

Prednacrt

**ZAKON
O ZAŠTITI I SPAŠAVANJU LJUDI I MATERIJALNIH DOBARA
OD PRIRODNIH ILI DRUGIH NESREĆA U BRČKO DISTRIKTU
BOSNE I HERCEGOVINE**

Brčko, Oktobar 2011. godina

Na osnovu člana 22. Statuta Brčko distrikta Bosne i Hercegovine – prečišćeni tekst (“Službeni glasnik Brčko distrikta BiH”, broj: 02/10), Skupština Brčko distrikta Bosne i Hercegovine na _____ redovnoj sjednici, održanoj _____ godine, donosi:

ZAKON

O ZAŠTITI I SPAŠAVANJU LJUDI I MATERIJALNIH DOBARA OD PRIRODNIH ILI DRUGIH NESREĆA U BRČKO DISTRIKTU BOSNE I HERCEGOVINE

DIO PRVI

Član 1. **(Predmet zakona)**

Zakonom o zaštiti i spašavanju ljudi i materijalnih dobara od prirodnih ili drugih nesreća u Brčko distriktu Bosne i Hercegovine (u daljem tekstu: **Zakon**) propisuje se zaštita i spašavanje ljudi i materijalnih dobara od prirodnih ili drugih nesreća u Brčko distriktu Bosne i Hercegovine, i to:

- a) osnove organizacije, načela, mjere i aktivnosti zaštite i spašavanja;
- b) međunarдна saradnja;
- c) Dan zaštite i spašavanja - civilne zaštite Brčko distrikta Bosne i Hercegovine;
- d) prava i dužnosti fizičkih lica;
- e) prava i dužnosti organa distrikta;
- f) prava i dužnosti pravnih lica;
- g) učešće policije u zaštiti i spašavanju;
- h) učešće Oružanih snaga Bosne i hercegovine i snaga i sredstava za zaštitu i spašavanje entiteta u zaštiti i spašavanju na teritoriji Distrikta;
- i) sistem zaštite i spašavanja;
- j) obaveze i prava pripadnika jedinica za zaštitu i spašavanje;
- k) druga pitanja od značaja za oblast zaštite i spašavanja od prirodnih ili drugih nesreća u Brčko distriktu BiH (u daljem tekstu: **Distrikt**).

Član 2. **(Definicije);**

Pojedini izrazi, upotrebljeni u ovome Zakonu, imaju sljedeće značenje:

- a) „**Akcident**“ je nesreća koja je vezana uz tehničko-tehnološki proces ili promet, a svojim posljedicama prelazi okvire tehničko-tehnološkog postrojenja u kojem je nastala;
- b) „**Zaštita i spašavanja**“ je oblik pripremanja i učešća nosilaca poslova i zadataka zaštite i spašavanja u odgovoru na prirodne i druge nesreće i obuhvata programiranje, planiranje, organizovanje, obučavanje i osposobljavanje, provođenje, nadzor i finansiranje

mjera i aktivnosti za zaštitu i spašavanje od prirodnih i drugih nesreća s ciljem sprečavanja opasnosti, smanjenja broja nesreća i žrtava, te otklanjanja i ublažavanja štetnih djelovanja i posljedica prirodnih i drugih nesreća;

c) **„Civilna zaštita“** je planski organizovan dio zaštite i spašavanja od prirodnih i drugih nesreća koja obuhvata organizovanje, pripremanje i učešće građana, pravnih lica i profesionalnih službi, organizacija i udruženja na zaštiti i spašavanju ljudi i materijalnih dobara i životne okoline od prirodnih ili drugih nesreća i njihovih posljedica;

e) **„Snage zaštite i spašavanja“** predstavljaju dio zaštite i spašavanja koju čine: štab, povjerenici i jedinice zaštite i spašavanja, službe zaštite i spašavanja, policije, kao i dobrovoljne snage organizirane iz sastava humanitarnih organizacija, nevladinih organizacija i udruženja građana;

f) **„Nosioци zaštite i spašavanja“** predstavljaju sve organizovane oblike zaštite i spašavanja;

g) **„Prevenција“** je preduzimanje mjera i aktivnosti kojima se smanjuje ili sprječava mogućnost nastanka opasnosti, odnosno smanjuju posljedice prirodne ili druge nesreće;

h) **„Pripravnost“** je pravovremeno poduzimanje aktivnosti kojima se povećava i unapređuje efikasnost i djelotvornost operativnih i ostalih zakonom utvrđenih snaga i sredstava za odgovor na prirodnu ili drugu nesreću, što uključuje i privremenu evakuaciju ljudi i imovine sa ugroženih lokacija;

g) **„Odgovor“** je pružanje pomoći ili intervencija u toku ili neposredno nakon prirodne ili druge nesreće radi zadovoljenja potrebe za očuvanjem života i osnovnih životnih potreba pogođenog stanovništva;

h) **„Prirodna nesreća“** je događaj koji je prouzrokovan iznenadnim djelovanjem prirodnih sila, sa ili bez uticaja čovjeka, koji ugrožava zdravlje ili život ljudi ili životinja ili uzrokuje štetu na materijalnim dobrima i životnoj okolini;

i) **„Druge nesreće“** podrazumijevaju nesreće prirodnog porijekla ili nesreće koje je uzrokovao čovjek, konkretnog naziva, a koje nisu obuhvaćene nijednom drugom klasifikacijom, kao što su: rudarske nesreće, epidemije zaraznih bolesti, avionske nesreće, željezničke nesreće, nesreće u drumskom saobraćaju, posljedice terorističkih aktivnosti, neposredne ratne opasnosti i slično;

j) **„Katastrofa“** je ozbiljan poremećaj funkcionisanja zajednice ili društva izazvan široko rasprostranjenim ljudskim, materijalnim, ekonomskim ili okolišnim gubicima koji prevazilaze sposobnost pogođene zajednice ili društva da se njima bave upotrebom vlastitih resursa.

Katastrofa je rezultat kombinacije opasnosti, uslova ranjivosti i nedovoljnih kapaciteta ili mjera da se smanji potencijalno negativna posljedica tog rizika;

k) „**Supsidijarnost**“ je princip donošenja odluka i njihovog provođenja na najnižem mogućem nivou uz koordinaciju na najvišem nivou a da pritom lokalni nosioci odgovora na nesreću treba da budu osnova za odgovor bilo kojeg obima;

m) „**Koordinacija**“ je osiguravanje vremenske i prostorne usklađenosti djelovanja svih sudionika u aktivnostima zaštite i spašavanja od prirodnih i drugih nesreća po etapama provođenja poslova i zadataka, kao i njihovo pravodobno obavješćavanje. Koordiniranjem se, u smislu smjernica Ujedinjenih nacija, osigurava efikasna komunikacija, uvezivanje i međusobno djelovanje, nosilaca i snaga zaštite i spašavanja u svrhu zaštite i unaprjeđenja humanitarnih principa, izbjegavanja konkurencije i dupliranja i ostvarenja zajedničkih ciljeva.

DIO DRUGI

GLAVA I – OSNOVNE ODREDBE

Član 3. (Organizacija i načela)

(1) Poslovi zaštite i spašavanja ljudi i materijalnih dobara od prirodnih ili drugih nesreća su poslovi od posebnog interesa za Distrikt.

(2) Upravne i stručno operativne poslove zaštite i spašavanja u Distriktu, obavlja Odjeljenje za javnu sigurnost Vlade Brčko distrikta BiH (u daljem tekstu: **Odjeljenje**).

(3) Sva fizička i pravna lica u Distriktu provode ličnu i uzajamnu zaštitu, pružaju pomoć i spašavaju ljudske živote, materijalna i druga dobra na osnovu lične svijesti, zakona i podzakonskih akata.

(4) Distrikt obezbjeđuje jedinstvenu organizaciju zaštite i spašavanja na teritoriji Distrikta u skladu sa ovim zakonom, drugim propisima, planovima i drugim dokumentima kojima se uređuju pitanja organizacije, razvoja, pripremanja, upotrebe snaga i sredstava namijenjenih za zaštitu i spašavanje ljudi i materijalnih dobara od prirodnih ili drugih nesreća.

(5) Svi vidovi zaštite od prirodnih ili drugih nesreća organizuju se i provode u skladu s načelima međunarodnog humanitarnog prava i međunarodnog prava o zaštiti ljudi i materijalnih dobara od prirodnih ili drugih nesreća, kao i preuzetim međunarodnim obavezama.

Član 4. (Mjere i aktivnosti)

Zaštita i spašavanje ljudi i materijalnih dobara od prirodnih ili drugih nesreća ostvaruje se organizovanjem i preduzimanjem sljedećih mjera i aktivnosti:

- a) otkrivanje, praćenje i sprečavanje opasnosti od prirodnih ili drugih nesreća;
- b) obavješćavanje stanovništva o opasnostima i davanje uputstava za zaštitu i spašavanje;
- c) obučavanje i osposobljavanje građana za zaštitu i spašavanje;
- d) organizovanje, opremanje, obučavanje i osposobljavanje struktura civilne zaštite i drugih

vidova zaštite i spašavanja;

e) aktiviranje snaga i sredstava za zaštitu i spašavanje;

f) otklanjanje posljedica prirodnih ili drugih nesreća do osiguranja osnovnih uslova za život;

g) nadzor nad provođenjem propisa o zaštiti od prirodnih ili drugih nesreća;

h) traženje pomoći od nadležnih organa BiH i entiteta;

l) pružanje pomoći organima Bosne i Hercegovine (u daljem tekstu: BiH) i entiteta;

Član 5. (Ostvarivanje mjera i aktivnosti)

Mjere i aktivnosti iz člana 4. ovog zakona ostvaruju se putem sistema zaštite i spašavanja i civilne zaštite.

Član 6. (Provođenje zaštite i spašavanja)

(1) Zaštita i spašavanje se provodi kroz sistem zaštite i spašavanja

(2) Zaštita i spašavanje provodi se na principima saradnje, solidarnosti i uzajamnosti svih učesnika u sprečavanju, otklanjanju ili ublažavanju posljedica djelovanja prirodnih ili drugih nesreća.

(3) U slučaju prirodne ili druge nesreće zaštita i spašavanje ljudskih života ima prioritet u odnosu na sve druge zaštite.

Član 7. (Međunarodna saradnja)

Međunarodnu saradnju radi provođenja zaštite od prirodnih ili drugih nesreća Vlada Brčko distrikta BiH (u daljem tekstu: Vlada) ostvaruje putem nadležnih institucija BiH, na prijedlog Štaba zaštite i spašavanja Brčko distrikta Bosne i Hercegovine (u daljem tekstu: Štab Distrikta)

Član 8. (Dan zaštite i spašavanja - civilne zaštite)

Dan zaštite i spašavanja - civilne zaštite Distrikta je 1. mart - svjetski dan civilne zaštite.

GLAVA II – PRAVA I DUŽNOSTI FIZIČKIH LICA

Član 9. (Prava i dužnosti)

(1) Za zaštitu od prirodnih ili drugih nesreća fizičko lice ima pravo i dužnost da:

a) učestvuje u zaštiti i spašavanju;

b) ustupa na korištenje materijalna sredstva u skladu sa ovim zakonom;

c) obučava se za ličnu i uzajamnu zaštitu;

- d) obučava se za sprovođenje propisanih mjera zaštite
 - e) nabavi i drži u funkcionalnom stanju sredstva za ličnu i kolektivnu RHB zaštitu,
- (2) Pored prava i dužnosti iz stava (1) ovog člana, fizičko lice ima pravo i dužnost da:
- a) bude raspoređeno u štab Distrikta, u jedinice zaštite i spašavanja i u povjerenike civilne zaštite u skladu sa zakonom i planovima zaštite i spašavanja;
 - b) hitno dostavi operativnom komunikacionom Centru-112 (u daljem tekstu: Centar-112) podatke značajne za zaštitu i spašavanje koje sazna ili primijeti;
 - c) daje podatke potrebne za vođenje evidencija u oblasti zaštite i spašavanja;
 - d) prijavi Odsjeku CZ, u roku od osam dana od dana nastanka, promjene, koje se odnose na zaštitu i spašavanje i to:
 - 1) prebivalište;
 - 2) adresu stana;
 - 3) ime;
 - 4) druge podatke od značaja za zaštitu i spašavanje.

Član 10. (Godine starosti kao uslov angažovanja)

- U jedinice civilne zaštite opšte namjene može biti angažovano radno sposobno lice:
- a) muškarac od 18 do 55 godina života, odnosno
 - b) žena od 18 do 50 godina života.

Član 11. (Oslobođenje od obaveze raspoređivanja u jedinice civilne zaštite)

- Od raspoređivanja u jedinice civilne zaštite opšte namjene izuzima se:
- a) lice na službi u Oružanim snagama Bosne i Hercegovine;
 - b) službenik i namještenik policije i sudske policije;
 - c) trudnica;
 - d) majka ili samohrani roditelj koji imaju jedno dijete mlađe od sedam godina života, odnosno dvoje ili više djece mlađe od 10 godina života, kao i staratelj djece bez roditelja tih godina života;
 - e) staratelj starog i iznemoglog lica;
 - f) lice proglašeno nesposobnim za služenje u civilnoj zaštiti.

Član 12. (Utvrđivanje zdravstvene sposobnosti)

- (1) Vlada, na prijedlog šefa Odjeljenja za zdravstvo i ostale usluge, pravilnikom propisuje osnove i mjerila za utvrđivanje zdravstvene i psihološke sposobnosti lica za obavljanje zadataka u civilnoj zaštiti i obučavanju za civilnu zaštitu.
- (2) Zdravstvenu sposobnost lica za učešće u civilnoj zaštiti i obučavanju za civilnu zaštitu utvrđuje nadležna zdravstvena ustanova, u skladu sa pravilnikom iz stava (1) ovog člana.

Član 13. (Obaveza davanja materijalnih sredstava)

- (1) Fizičko lice ima obavezu da na privremeno korištenje ustupi Distriktu:
- a) vozila;

- b) strojeve;
- c) opremu;
- d) druga materijalna sredstva;
- e) zemljište;
- f) objekte;
- g) uređaje;
- h) energetske izvore potrebne za zaštitu i spašavanje od prirodnih ili drugih nesreća.

(2) Vlada, na prijedlog šefa Odjeljenja, Pravilnikom o načinu davanja i vraćanja materijalnih sredstava uzetih za potrebe jedinica civilne zaštite opšte namjene, utvrđuje svrhu i način predaje sredstava iz stava (1) ovog člana, kao i davanje naknade za korištenje, oštećena ili uništena sredstva.

Član 14. (Obaveza odazivanja pozivu)

Lice koje je od Štaba Distrikta putem Odjeljenja, pozvano radi učešća u zaštiti i spašavanju, odaziva se pozivu tog štaba, odnosno Odjeljenja, na mjestu i u vrijeme određeno u pozivu.

Član 15. (Naknada)

(1) Lice, koje je pozvano na vršenje poslova zaštite i spašavanja, u skladu sa članom 14. Zakona, ima pravo na novčanu naknadu koju obračunava i isplaćuje Distrikt.

(2) Visina novčane naknade se isplaćuje u skladu sa Pravilnikom o naknadi za vršenje poslova zaštite i spašavanja koji donosi Vlada na prijedlog šefa Odjeljenja.

Član 16. (Prava po osnovu penziskog i zdravstvenog osiguranja)

(1) Kada lice po odluci Štaba Distrikta, sudjeluje u zaštiti i spašavanju od prirodnih ili drugih nesreća, pa bude povrijeđeno ili kod njega nastupi bolest, odnosno invalidnost, kao neposredna posljedica vršenja zadataka u toj zaštiti, ima pravo na penzijsko-invalidsko i zdravstveno osiguranje kao za slučaj povrede na radu.

(2) Članovi porodice lica, koje je učestvujući u zaštiti i spašavanju od prirodnih ili drugih nesreća izgubilo život, imaju prava iz penzijsko-invalidskog i zdravstvenog osiguranja, kao da je izgubilo život za slučaj povrede na radu.

(3) Prava iz stava (1) i (2) ovog člana ostvaruju se na način i pod uslovima utvrđenim zakonima i drugim propisima o penzijsko-invalidskom i zdravstvenom osiguranju.

Član 17. (Jednokratna pomoć)

(1) Lice koje je po odluci Štaba Distrikta angažovano u zaštiti i spašavanju od prirodnih ili drugih nesreća, bez svoje krivnje zadobije povredu ili oboli, ima pravo na jednokratnu novčanu pomoć.

(2) Pravo na jednokratnu novčanu pomoć pripada porodici lica iz stava (1) ovog člana, koje izgubi život ili oboli i poslije umre od posledica nastalih za vrijeme angažovanja.

(3) Visina i postupak ostvarivanja prava na jednokratnu novčanu pomoć utvrđuje pravilnikom Vlada, na prijedlog šefa Odjeljenja.

Član 18. (Prava po osnovu obuke)

(1) Lice koje je pozvano da učestvuje u izvršavanju poslova zaštite i spašavanja, za vrijeme obuke ili vježbe ima pravo na prevoz, smještaj i ishranu za vrijeme dok učestvuje u izvršavanju poslova zaštite i spašavanja.

(2) Smještaj i ishrana, iz stava (1) ovog člana, obezbjeđuju se pod uslovom da je učešće u izvršavanju poslova zaštite i spašavanja trajalo duže od osam sati.

(3) Sredstva za naknadu, iz stava (1) i (2) ovog člana, obezbjeđuju se u budžetu Distrikta iz sredstava rezervi, a isplaćuje ih organ javne uprave koji je lice angažovao.

Član 19. (Kurirski poslovi)

Lice koje je angažovano za vršenje kurirskih poslova na poslovima zaštite i spašavanja, za vrijeme vršenja istih ima status pripadnika jedinice civilne zaštite opšte namjene i po tom osnovu ostvaruje prava propisana u članu 16. ovog zakona.

GLAVA III – PRAVA I DUŽNOSTI ORGANA DISTRIKTA

Član 20. (Nadležnosti Skupštine Distrikta)

U ostvarivanju prava i dužnosti u okviru svoje nadležnosti u oblasti zaštite i spašavanja Skupština Distrikta:

- a) usvaja zakone i njihove izmjene i dopune;
- b) usvaja odluke i druga opšta akta predviđena posebnim zaknima;
- c) odlučuje o izvorima finansiranja za izvršavanje poslova zaštite i spašavanja Distrikta.

Član 21. (Nadležnosti Vlade Distrikta BiH)

U okviru svoje nadležnosti u oblasti zaštite i spašavanja Vlada:

- a) obezbjeđuje jedinstvo i cjelovitost sistema zaštite i spašavanja;
- b) Metodologiju za izradu procjene ugroženosti od prirodnih i drugih nesreća u Distriktu
- c) donosi Procjenu ugroženosti od prirodnih ili drugih nesreća u Brčko distriktu Bosne i Hercegovine (u daljem tekstu: Procjena ugroženosti od prirodnih ili drugih nesreća);
- d) donosi Plan i program zaštite i spašavanja od prirodnih i drugih nesreća u Brčko distriktu Bosne i Hercegovine (u daljem tekstu: Plan i program zaštite i spašavanja);
- e) donosi Metodologiju za procjenu štete od prirodnih ili drugih nesreća;
- f) donosi propise o organizovanju, pripremanju i upotrebi jedinica zaštite i spašavanja u Distriktu i razmatra stanje, razvoj i jačanje jedinica u oblasti zaštite i spašavanja;
- g) proglašava stanje prirodnih ili drugih nesreća u Distriktu;
- h) predlaže finansijska sredstva u budžetu Distrikta za finansiranje poslova zaštite i spašavanja iz nadležnosti Distrikta;

- i) imenuje komisije za procjenu šteta;
- i) na osnovu procjene ugroženosti teritorije Distrikta od prirodnih ili drugih nesreća obezbjeđuje organizacione, kadrovske i materijalne uslove za rad zaštite i spašavanja.

Član 22.

(Nadležnosti gradonačelnika Distrikta u oblasti zaštite i spašavanja)

Gradonačelnik Distrikta u okviru svojih prava i dužnosti u oblasti zaštite i spašavanja:

- a) naređuje upotrebu jedinica civilne zaštite opšte namjene pravnih lica na području Distrikta;
- b) rukovodi akcijama izvršavanja poslova zaštite i spašavanja kod proglašenja prirodnih ili drugih nesreća ;
- c) saraduje sa državnim i entitetskim organima kao i načelnicima susjednih opština po pitanju zajedničkog interesa za zaštitu i spašavanje.

Član 23.

(Nadležnost Odjeljenja u oblasti zaštite i spašavanja)

(1) Odjeljenje u oblasti zaštite i spašavanja vrši sljedeće poslove:

- a) provodi utvrđenu politiku i obezbjeđuje izvršenje zakona Distrikta i drugih propisa iz oblasti zaštite i spašavanja;
- b) predlaže Vladi Distrikta donošenje Procjene ugroženosti od prirodnih ili drugih nesreća;
- c) predlaže Vladi Distrikta donošenje Plana i programa zaštite i spašavanja;
- d) ostvaruje saradnju sa državnim, entitetskim i opštinskim organima iz oblasti zaštite i spašavanja.
- e) predlaže donošenje Metodologije za procjenu štete od prirodnih ili drugih nesreća;
- f) odobrava angažovanje specijalizovanih jedinica za zaštitu i spašavanje;
- g) vrši raspoređivanje ljudstva u specijalizovane jedinice i jedinice civilne zaštite opšte namjene;
- d) odobrava planove zaštite i spašavanja pravnih lica, na prijedlog Pododjeljenja za zaštitu i spašavanje (u daljem tekstu: Pododjeljenje).

Član 24.

(Nadležnost Pododjeljenja u oblasti zaštite i spašavanja)

Pododjeljenje iz oblasti zaštite i spašavanja obavlja sljedeće poslove:

- a) izrađuje i predlaže šefu Odjeljenja Plan i program zaštite i spašavanja;
- b) izrađuje i predlaže šefu Odjeljenja nacrt Procjene ugroženosti od prirodnih i drugih nesreća
- e) izrađuje Metodologiju za procjenu štete od prirodnih i drugih nesreća i predlaže šefu Odjeljenja;
- d) ostvaruje saradnju sa drugim organima uprave, institucijama Distrikta i nevladinim organizacijama i drugim organizacijama iz oblasti zaštite i spašavanja;
- f) organizuje, koordinira i prati provođenje mjera za zaštitu i spašavanje ljudi i materijalnih dobara, koje provode nosioci zaštite i spašavanja.
- h) Organizuje i rukovodi profesionalnim i specijalizovanim jedinicama za zaštitu i spašavanje
- l) kontroliše usklađenost planova zaštite i spašavanja pravnih lica sa Planom i programom zaštite i spašavanja i predlaže šefu Odjeljenja njihovo odobravanje.

Član 25.
(Nadležnosti Odsjeka za civilnu zaštitu)

Odsjek za civilnu zaštitu iz oblasti zaštite i spašavanja obavlja sljedeće poslove:

- a) vodi poslove uklanjanja neeksplozivnih ubojnih sredstava (u daljem tekstu: NUS-a) i deminiranja;
- b) daje stručna uputstva fizičkim i pravnim licima po pitanjima zaštite i spašavanja;
- c) organizuje, izvodi i prati realizaciju obuke i spašavanja;
- d) vodi evidenciju pripadnika jedinica zaštite i spašavanja i povjerenika civilne zaštite;
- e) vodi evidenciju materijalnih sredstava fizičkih i pravnih lica koja se mogu staviti u funkciju zaštite i spašavanja;
- f) izrađuje plan nabavke sredstava i opreme za zaštitu i spašavanje;
- g) vodi računa se o ispravnosti, uskladištenju i čuvanju sredstava i opreme za zaštitu i spašavanje;
- h) učestvuje u izradi svih planskih dokumenata iz oblasti zaštite i spašavanja;
- i) vodi evidenciju odobrenih planova zaštite i spašavanja;
- j) organizuje, priprema i obučava jedinice specijalne namjene za zaštitu i spašavanje, jedinice civilne zaštite opšte namjene i povjerenike CZ;
- k) prati stanje u oblasti zaštite i spašavanja i predlaže mjere unapređenja, organizovanja i osposobljavanja;
- l) rukovodi i koordinira jedinicama civilne zaštite opšte namjene.

GLAVA IV – PRAVA I DUŽNOSTI PRAVNIH LICA

Član 26.
(Nadležnost i ovlašćenja)

(1) Poslove zaštite i spašavanja ljudi i materijalnih dobara u skladu sa zakonom, drugim propisima i opštim aktima nadležnih organa javne uprave organizuju i provode pravna lica koja obavljaju djelatnost iz oblasti:

- a) zdravstva;
- b) veterinarstva;
- c) stambenih djelatnosti;
- d) komunalnih djelatnosti;
- e) vodoprivrede;
- f) šumarstva;
- g) poljoprivrede;
- h) hemijske industrije;
- i) građevinarstva;
- j) energetike;
- k) transporta;
- l) snabdijevanja;
- m) ugostiteljstva;
- n) vatrogastva;
- o) hidrometeorologije;
- p) ekologije;
- r) druga pravna lica u kojima se obavljaju djelatnosti od značaja za zaštitu i

spašavanje ljudi i materijalnih dobara.

(2) U izvršenju poslova iz stava (1) ovog člana pravna lica:

- a) provode odgovarajuće pripreme i preventivne mjere zaštite i spašavanja;
- b) donose i razrađuju planove zaštite i spašavanja za svoje djelovanje u zaštiti i spašavanju, a u skladu sa Planom i programom zaštite i spašavanja;
- c) planiraju i osiguravaju materijalno-tehnička sredstva za provođenje mjera zaštite i spašavanja;
- d) organizuju jedinice;
- e) opremaju jedinice potrebnom opremom i sredstvima;
- f) osposobljavaju jedinice za njihovo učešće u zaštiti i spašavanju.
- g) ustupaju Distriktu sredstva iz člana 14. stav (1);
- h) nadležnom organu daju podatke o objektima, korisnicima objekata i stanju sredstava i opreme za zaštitu i spašavanje.

(3) U toku vođenja akcija zaštite i spašavanja ljudi i materijalnih dobara od prirodnih i drugih nesreća, pravna lica iz stava (1) ovog člana provode odluke Štaba Distrikta koji rukovodi akcijama zaštite i spašavanja.

(4) Kada pravna lica, u okviru obavljanja svoje redovne djelatnosti, utvrde postojanje određene opasnosti od prirodne, tehnološke, ekološke ili druge nesreće, podatke o takvoj opasnosti odmah dostavljaju Centru-112.

Član 27.

(Humanitarne organizacije i udruženja građana)

(1) U pripremi i provođenju zaštite i spašavanja, učestvuju organizacije Crvenog krsta i druge humanitarne organizacije i udruženja građana (planinari, radioamateri, ronionici).

(2) U obavljanju poslova iz svoje nadležnosti, organizacije i udruženja iz stava (1) ovog člana ostvaruju suradnju s Odjeljenjem i postupaju po nalogu Štaba Distrikta.

(3) Organizacije iz stava (1) ovog člana u svojim programima rada utvrđuju zadatke, organizaciju djelovanja i aktivnosti kojima se osigurava učešće njihovih članova, organa i službi u zaštiti i spašavanju.

Član 28.

(Telekomunikacioni sistemi i veze)

Pravna lica koja u raspoložu telekomunikacijskim i informativnim sistemima veze daju prvenstvo u korištenju tih sistema Štabu Distrikta, u slučaju proglašenja stanja prirodnih ili drugih nesreća.

GLAVA V - UČEŠĆE POLICIJE U ZAŠTITI I SPAŠAVANJU

Član 29.

(Učešće policije)

(1) Kada snage i sredstva zaštite i spašavanja nisu dovoljne za efikasnu zaštitu i spašavanje ljudi i materijalnih dobara od prirodnih ili drugih nesreća, šef Policije Distrikta na zahtjev Štaba Distrikta, naređuje angažovanje Policije Distrikta za pružanje pomoći u zaštiti i spašavanju.

(2) Jedinicama Policije Distrikta, koje učestvuju u zaštiti i spašavanju, rukovode rukovodeći policijski službenici, u skladu sa naredbama Štaba Distrikta koji rukovodi akcijama zaštite i

spašavanja.

(3) Učešće Policije Distrikta je privremnog karaktera i prestaje kada, Štab Distrikta ocijeni da, aktivnosti na zaštiti i spašavanju mogu uspješno sprovoditi nosioci zaštite i spašavanja vlastitim snagama i sredstvima.

Član 30.
(Operativni planovi Policije Distrikta u zaštiti i spašavanju)

Policija Distrikta i Odjeljenje sačinjavaju operativne planove kojima uređuju pitanja učešća Policije Distrikta u zaštiti i spašavanju.

GLAVA VI - UČEŠĆE ORUŽANINIH SNAGA BOSNE I HERCEGOVINE I SNAGA I SREDSTAVA ZA ZAŠTITU I SPAŠAVANJE ENTITETA U ZAŠTITI I SPAŠAVANJU NA TERITORIJI DISTRIKTA

Član 31.
(Zahtjev za učešće)

Gradonačelnik Distrikta, na prijedlog Štaba Distrikta, traži učešće oružanih snaga Bosne i Hercegovine i snaga i sredstava za zaštitu i spašavanje entiteta, u slučajevima kada snage i sredstva za zaštitu i spašavanje Distrikta nisu dovoljna za efikasnu zaštitu i spašavanje ljudi i materijalnih dobara od prirodnih ili drugih nesreća i nakon što se iscrpe raspoloživi civilni resursi za odgovor na prirodnu ili drugu nesreću, u skladu sa Okvimim zakonom o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini.

Član 32.
(Privremeni karakter učešća)

Učešće snaga i sredstava iz člana 32. Zakona u akcijama zaštite i spašavanja je privremenog karaktera i prestaje kada Štab Distrikta ocijeni da aktivnosti na zaštiti i spašavanju mogu uspješno sprovoditi nosioci zaštite i spašavanja Distrikta vlastitim snagama i sredstvima.

GLAVA VII SISTEM ZAŠTITE I SPAŠAVANJA

Član 33.
(Sadržaj sistema zaštite i spašavanja)

(1) Sistem zaštite i spašavanja predstavlja cjelokupne, organizovane i planske aktivnosti na zaštiti i spašavanju.

(2) sistem zaštite i spašavanja obuhvata:

- a) Štab Distrikta;
- b) Službe za zaštitu i spašavanje;
- c) Osmatranje i obavještanje;
- d) Jedinice za zaštitu i spašavanje;
- e) Povjerenike civilne zaštite;
- f) Obučavanje i osposobljavanje;
- g) Finansiranje;

- h) Plan i program zaštite i spašavanja;
- i) Rukovođenje i upotreba jedinica za zaštitu i spašavanje;
- j) Ličnu i uzajamnu zaštitu;
- k) Mjere i aktivnosti na zaštiti i spašavanju;
- l) Nadzor nad provođenjem zaštite i spašavanja.

Odjeljak A. (Štab Distrikta)

Član 34. (Štab Distrikta)

- (1) Štab Distrikta kao operativno stručni organ, rukovodi akcijama zaštite i spašavanja na području Distrikta.
- (2) Štab Distrikta osniva se Odlukom koju donosi Vlada, na prijedlog šefa Odjeljenja.
- (3) Pravilnik o radu Štaba Distrikta, donosi Vlada, na prijedlog šefa Odjeljenja.

Član 35. (Poslovi Štaba Distrikta)

- (1) Štab Distrikta, rukovodeći akcijama zaštite i spašavanja, vrši sljedeće poslove:
 - a) odlučuje o upotrebi jedinica zaštite i spašavanja na zaštiti i spašavanju ugroženih i stradalih ljudi i materijalnih dobara;
 - b) naređuje provođenje odgovarajućih mjera zaštite i spašavanja i određuje ko provodi te mjere;
 - c) rukovodi i koordinira akcijama zaštite i spašavanja svih učesnika angažiranih na zaštiti i spašavanju na svome području;
 - d) naređuje preduzimanje mjera i aktivnosti na zaštiti i spašavanju;
 - e) predlaže gradonačelniku angažovanje raspoloživih resursa entiteta i oružanih snaga Bosne i Hercegovine na zaštiti i spašavanju;
 - f) po zahtjevu državnih organa Bosne i Hercegovine i entiteta angažuje jedinice za zaštitu i spašavanje za pružanje pomoći entitetima u Bosni i Hercegovini, susjednim zemljama i drugim državama na saniranju posljedica prirodnih ili drugih nesreća;
 - g) daje saglasnost na imenovanja komandira i zamjenika jedinica za zaštitu i spašavanje na prijedlog šefa Odjeljenja;
 - g) jednom godišnje izvještava Skupštinu Distrikta o provođenju zaštite i spašavanja na teritoriji Brčko Distrikta Bosne i Hercegovine.

Član 36. (Rukovođenje akcijama zaštite i spašavanja)

Akcijom zaštite i spašavanja rukovodi :

- a) u organu javne uprave, izvršne, sudske i zakonodavne vlasti rukovodilac organa;
- b) jedinicama za zaštitu i spašavanje šef pododjeljenja;
- c) jedinicama civilne zaštite opšte namjene šef odsjeka civilne zaštite;
- d) u pravnom licu direktor ili lice koje je imenovano od strane direktora;
- e) u mjesnoj zajednici povjerenik civilne zaštite, kao komandir jedinice za zaštitu i spašavanje opšte namjene.

Član 37.
(Sastav štaba Distrikta)

- (1) Štab Distrikta čine:
 - a) komandant štaba;
 - b) zamjenik komandanta štaba;
 - c) načelnik štaba;
 - d) pomoćnik načelnika štaba;
 - e) članovi štaba.
- (2) Gradonačelnik Distrikta je po funkciji komandant štaba.
- (3) Dogradonačelnik Distrikta je po funkciji zamjenik komandanta štaba.
- (3) Šef Odjeljenja za javnu sigurnost je po funkciji načelnik štaba.
- (4) Šef Pododjeljenja za zaštitu i spašavanje je po funkciji pomoćnik načelnika štaba.
- (6) Članovi štaba po funkciji su članovi Vlade Distrikta, šef policije Brčko distrikta Bosne i Hercegovine, direktor direkcije za finansije Brčko distrikta Bosne i Hercegovine, šef pravne službe (Glavni koordinator Vlade Distrikta) i rukovodilac Crvenog krsta Brčko distrikta Bosne i Hercegovine.
- (7) Štab Distrikta može angažovati stručnjake za određene mjere zaštite, ukoliko to ocijeni potrebnim.
- (8) Rukovodilac crvenog krsta Brčko distrikta Bosne i Hercegovine je član štaba za odnose sa međunarodnom organizacijom crvenog krsta i polu mjeseca kao i drugim humanitarnim organizacijama.

Član 38.
(Postavljanje i razrješenje članova Štaba Distrikta)

- (1) Komandanta, zamjenika komandanta, načelnika, zamjenika načelnika i članove Štaba Distrikta postavlja i razrješava Vlada Distrikta.
- (2) Postavljanje, razrješavanje članova Štaba Distrikta vrši se odlukom.

Član 39.
(Komandant Štaba Distrikta)

Komandant Štaba Distrikta odlučuje po svim pitanjima iz oblasti upotrebe jedinica civilne zaštite opšte namjene pravnih lica na području Distrikta, rukovodi akcijama zaštite i spašavanja kod proglašenja prirodnih ili drugih nesreća i saradnjom sa državnim i entitetskim organima po pitanju zajedničkog interesa za zaštitu i spašavanje.

Član 40.
(Zamjenik komandanta Štaba Distrikta)

- (1) Zamjenik komandanta Štaba Distrikta ovlašten je da, za vrijeme odsutnosti komandanta Štaba, u njegovo ime poduzima sve potrebne mjere značajne za zaštitu i spašavanje.
- (2) Zamjenik komandanta Štaba Distrikta obavještava komandanta Štaba Distrikta o preduzetim mjerama i postupcima iz stava (1) ovog člana.

Član 41.
(Načelnik Štaba Distrikta)

Načelnik Štaba Distrikta koordinira operativan rad i aktivnosti jedinica za zaštitu i spašavanje i provodi naredbe Štaba Distrikta.

Član 42.
(Pomoćnik načelnika Štaba Distrikta)

Pomoćnik načelnika štaba rukovodi jedinicama za zaštitu i spašavanje.

Član 43.
(Članovi štaba)

Članovi štaba provode mjere i naredbe Štaba Distrikta iz svoje nadležnosti.

Odjeljak B. (Službe za zaštitu i spašavanje)

Član 44.
(Službe zaštite i spašavanja)

- (1) Služba zaštite i spašavanja organizuje se u pravnom licu čija je redovna djelatnost od neposrednog značaja za zaštitu i spašavanje.
- (2) Služba zaštite i spašavanja iz stava (1) ovog člana učestvuje u akcijama zaštite i spašavanja od prirodnih ili drugih nesreća po nalogu Štaba Distrikta i ima prava, obaveze i odgovornosti u skladu sa zakonom i drugim propisima Distrikta.
- (3) Služba zaštite i spašavanja vrši poslove zaštite i spašavanja koji proizilaze iz osnovne djelatnosti pravnog lica provođenjem preventivnih i operativnih mjera zaštite i spašavanja.
- (4) Preventivne mjere zaštite i spašavanja, služba zaštite i spašavanja ostvaruje sprovođenjem odgovarajućih mjera, postupaka i zadataka u okviru redovne djelatnosti, a kojima se može uticati na sprječavanje nastanka određenih pojava i opasnosti, koje mogu izazvati prirodnu ili drugu nesreću i čijim štetnim djelovanjem mogu biti ugroženi životi i zdravlje ljudi i životinja, kao i materijalna dobra.
- (5) Operativne mjere zaštite i spašavanja, služba zaštite i spašavanja ostvaruje izvršavanjem odgovarajućih mjera, postupaka i zadataka iz svog djelokruga, od momenta angažiranja na zaštiti i spašavanju do otklanjanja nastalih posljedica.
- (6) U službu iz stava (1) ovog člana raspoređuju se zaposlenici pravnog lica u kojem se osniva ta služba.

Odjeljak C. (Osmatranje i obavještanje)

Član 45.
(Osmatranje i obavještanje)

- (1) Obavještanjem stanovništva, pravnih lica o postojećim, odnosno predstojećim opasnostima koje mogu ugroziti stanovništvo i materijalna dobra, kao i o prestanku tih opasnosti bavi se Odsjek za osmatranje i obavještanje putem Centra 112.

(2) Osmatranje, otkrivanje, obavještanje i praćenje opasnosti od prirodnih ili drugih nesreća, realizuje se putem jedinica i povjerenika civilne zaštite, tehničkih sredstava i na druge načine u skladu sa organizacijom sistema osmatranja i obavještanja u Distriktu.

(3) Vlada, na prijedlog šefa Odjeljenja, donosi Pravilnik o postupcima i načinu obavještanja.

Član 46. (Centar-112)

(1) U cilju stalnog prikupljanja podataka o svim vrstama pojava i opasnosti koje mogu dovesti do prirodnih ili drugih nesreća, kao i podataka o posljedicama koje su nastale pojavom prirodnih ili drugih nesreća po ljude i materijalna dobra na ugroženom području, obrade tih podataka i njihove distribucije nadležnim organima vlasti kao i pružanja svih informacija fizičkim i pravnim licima vezanih za zaštitu i spašavanje u Distriktu, uvodi se sistem jedinstvenog Evropskog broja za hitne situacije - 112 i uspostavlja se Centar-112.

(2) U skladu sa stavom (1) Odjeljenje, formira Centar-112 koji se funkcionalno uvezuje sa Centrima - 112 na nivou Bosne i Hercegovine i entiteta.

(3) Vlada, na prijedlog šefa Odjeljenja, donosi pravilnik kojim utvrđuje:

- a) organizaciju;
- b) opremanje;
- c) uslove;
- d) način funkcionisanja Centra - 112.

Član 47. (Obaveza dostavljanja podataka)

(1) Obaveza pravnog i fizičkog lica je da Centru-112 dostavlja:

- a) izvještaje, odluke i naređenja o sprovedenim mjerama zaštite i spašavanja, kao i podatke o drugim aktivnostima koje se provode u vezi zaštite i spašavanja;
- b) podatke o otkrivenim i primjećenim opasnostima od prirodnih nesreća (zemljotres, poplava, leda, klizanje tla i dr.), tehničko-tehnoloških, ekoloških nesreća (rušenje nasipa, saobraćajne nesreće, požara i dr.) i posljedica tih opasnosti i preduzimanju mjera za ublažavanje posljedica opasnosti;
- c) podatke o utvrđenim opasnostima, izvještaje o njihovom nastanku, postupcima građana i prestanku opasnosti;
- d) podatke o otkrivenim RHB opasnostima;
- e) prikupljene i obrađene podatke o opasnostima i drugim pojavama od interesa za zaštitu i spašavanje;
- f) podatke o neeksplozivnim ubojnim sredstvima.

(2) Centar-112 o dobijanim informacijama iz stava (1) ovog člana, obavještava šefa Pododjeljenja.

Odjeljak D. (Jedinice za zaštitu i spašavanje)

Član 48. (Jedinice za zaštitu i spašavanje)

(1) Jedinice za zaštitu i spašavanje formiraju se, opremaju i osposobljavaju kao operativne snage radi neposrednog angažovanja na izvršenju poslova zaštite i spašavanja ljudi i materijalnih dobara od prirodnih ili drugih nesreća, kao i otklanjanja posljedica nastalih djelovanjem tih nesreća.

(2) Jedinice zaštite i spašavanja formiraju se kao:

- a) profesionalne jedinice zaštite i spašavanja;
- b) jedinice zaštite i spašavanja specijalizovane namjene.
- c) jedinice civilne zaštite opšte namjene.

Član 49. (Utvrđivanje vrste, veličine i broja jedinica)

(1) Vrste, veličina i broj jedinica za zaštitu i spašavanje utvrđuju se na osnovu procjene ugroženosti ljudi i materijalno-tehničkih dobara, koje mogu nastati od prirodnih ili drugih nesreća, kao i mogućnosti kojima raspolaže Distrikt, mjesne zajednice i pravna lica koja obrazuju te jedinice.

(2) Više pravnih lica, koja su locirana u neposrednoj blizini, mogu formirati zajedničku jedinicu civilne zaštite opšte namjene.

(3) Jedinice zaštite i spašavanja formiraju se kao:

- a) jedinica;
- b) tim.

Član 50. (Profesionalne jedinice za zaštitu i spašavanje)

Profesionalne jedinice zaštite i spašavanja se formiraju u Poodjeljenju za zaštitu i spašavanje i čine ih :

- a) profesionalna vatrogasna jedinica;
- b) jedinica za suzbijanje akcidentnih situacija;
- c) deminerski tim i
- d) druge profesionalne jedinice formirane u Odjeljenju

Član 51. (Jedinice civilne zaštite specijalizovane namjene)

(1) Jedinice zaštite i spašavanja specijalizovane namjene formiraju se u Odjeljenju od zaposlenika Odjeljenja ili organa javne uprave.

(2) Jedinice zaštite i spašavanje specijalizovane namjene, koje se formiraju iz zaposlenika javne uprave, izuzev Odjeljenja, formira Vlada, na prijedlog šefa Odjeljenja.

(3) Odjeljenje formira jedinice specijalizovane namjene iz sopstvenih resursa.

(4) Jedinice zaštite i spašavanja specijalizovane namjene formiraju se, pripremaju, opremaju i obučavaju radi izvršavanja složenijih i istovrsnih zadataka zaštite i spašavanja, čiji pripadnici pri vršenju tih poslova moraju imati odgovarajuće stručno znanje i koristiti odgovarajuća

tehnička sredstva i opremu.

Član 52.
(Vrste jedinica za zaštitu i spašavanje specijalizovane namjene)

- (1) Jedinice zaštite i spašavanja specijalizovane namjene formiraju se za:
 - a) zaštitu i spašavanje od poplava i u vodi;
 - b) prvu medicinsku pomoć;
 - c) RHB zaštitu;
 - d) zaštitu i spašavanje iz ruševina;
 - e) asanaciju terena.
- (2) Vlada, na prijedlog Štaba Distrikta, osniva i druge jedinice za zaštitu i spašavanja specijalizovane namjene.
- (3) Komandire jedinica za zaštitu i spašavanje specijalizovane namjene imenuje i razrješava šef Odjeljenja.

Član 53.
(Jedinice civilne zaštite opšte namjene)

- (1) Jedinice civilne zaštite opšte namjene formiraju se na načelima teritorijalne popune od građana ili zaposlenika pravnih lica.
- (2) Jedinice civilne zaštite opšte namjene organizuju se, opremaju i obučavaju za izvršavanje zadataka na pružanju podrške u provođenju mjera zaštite i spašavanja.
- (3) Obavezu formiranja jedinica civilne zaštite opšte namjene za teritoriju Distrikta utvrđuje odlukom Vlada.
- (4) Jedinicu civilne zaštite opšte namjene u pravnom licu formira rukovodilac pravnog lica.
- (5) Jedinice civilne zaštite opšte namjene u mjesnim zajednicama formira odlukom šef Odjeljenja.

Odjeljak E. (Povjerenick civilne zaštite)

Član 54.
(Povjerenik civilne zaštite)

- (1) Povjerenik civilne zaštite (u daljnjem tekstu: povjerenik) može se odrediti u:
 - a) naselju;
 - b) dijelu naselja;
 - c) stambenim zgradama;
 - d) selima i zaseocima (u daljnjem tekstu: naselja);
 - e) organima javne uprave, izvršne, sudske i zakonodavne vlasti i pravnim licima.
- (2) U organima javne uprave, izvršne, sudske i zakonodavne vlasti, određuje se jedan povjerenik za svaki organ.
- (3) Povjerenik je istovremeno i komandir jedinice civilne zaštite opšte namjene.

Član 55.
(Postavljanje i razrješenje povjerenika)

- (1) Povjerenika postavlja i razrješava:
 - a) u organima javne uprave, izvršne, sudske i zakonodavne vlasti rukovodilac koji rukovodi

organom;

b) u pravnom licu direktor, odnosno drugo lice određeno aktom pravnog lica;

c) u naselju šef Odjeljenja.

(2) Odluka o postavljenju i razriješenju povjerenika dostavlja se Odsjeku za civilnu zaštitu

Član 56. (Poslovi koje vrše povjerenik)

(1) Povjerenik u organima javne uprave, izvršne, sudske, zakonodavne vlasti i pravnim licima vrši poslove organizovanja i pripremanja mjera i aktivnosti sudjelovanja službenika i uposlenika na sprovođenju lične i kolektivne zaštite i mjera zaštite i spašavanja u zgradama i objektima za koje su zaduženi.

(2) Povjerenik u naseljima vrši poslove:

a) organiziranja i poduzimanja neposrednih mjera na učešću građana u provođenju samozaštite;

b) organiziranja i poduzimanja mjera zaštite i spašavanja koje su od značaja za samozaštitu;

c) učestvuje u aktivnostima zaštite i spašavanja koje se provode u akcijama zaštite i spašavanja ljudi i materijalnih dobara na određenom području.

(3) Planom i programom zaštite i spašavanja određuje se broj povjerenika civilne zaštite, razrađuju njihovi poslovi i zadaci za vrijeme prirodnih ili drugih nesreća.

(4) Šef Odjeljenja donosi pravilnik kojim utvrđuje poslove i zadatke i način rada povjerenika civilne zaštite iz člana 54. stav (1) ovog zakona.

Odjeljak F. (Obučavanje i osposobljavanje)

Član 57. (Obučavanje i osposobljavanje)

(1) Članovi Štaba Distrikta, pripadnici službi i jedinica zaštite i spašavanja, i povjerenici dužni su obučavati i osposobljavati se za izvršavanje poslova zaštite i spašavanja.

(2) Planove i programe za obučavanje i osposobljavanje iz stava (1) ovog člana donosi šef Odjeljenja, na prijedlog šefa Pododjeljenja.

(3) Pravilnik o nastavnim planovima i programima za osposobljavanje i obučavanje pripadnika službi i jedinica zaštite i spašavanja donosi šef Odjeljenja.

(4) Za provođenje obuke i osposobljavanje lica iz stava (1) ovog člana odgovoran je šef Odsjeka za civilnu zaštitu u Odjeljenju za zaštitu i spašavanje.

Član 58. (Pozivanje na obuke)

Članovi Štaba Distrikta, pripadnici jedinica, službi i povjerenici pozivaju se na obuku pismenim pozivom, koji se uručuje najmanje 30 dana prije početka obuke.

Odjeljak G. (Finansiranje)

Član 59. (Izvori sredstava za finansiranje civilne zaštite)

(1) Izvori sredstava za finansiranje zaštite i spašavanja su:

- a) budžet Distrikta;
- b) sredstva pravnih lica;
- c) sredstva osiguranja;
- d) dobrovoljni prilozi;
- e) međunarodna pomoć;
- f) izvori propisani drugim zakonom.

Član 60.
(Saniranje šteta)

- (1) Štete koje su nastale prirodnim i drugim nesrećama finansiraju se iz sredstava rezervi budžeta Distrikta.
- (2) Način utroška sredstava za saniranja šteta iz stava (1) ovog člana utvrđuje se Pravilnikom o kriterijumima i načinu saniranja šteta nastalih od prirodnih ili drugih nesreća u Brčko distriktu Bosne i Hercegovine, koji donosi Vlada na prijedlog šefa Odjeljenja.

Član 61.
(Pravo na naknadu)

- (1) Građani i pravna lica čija su materijalna sredstva angažovani na zaštiti i spašavanju prilikom proglašenja stanja prirodne ili druge nesreće, imaju pravo na naknadu u skladu sa Pravilnikom o visini naknade za angažovanje materijalnih sredstava fizičkih i pravnih lica na zaštiti i spašavanju.
- (2) Naknada iz stava (1) ovog člana isplaćuje se iz sredstava rezervi budžeta Distrikta.
- (3) Pravilnik iz stava (1) ovog člana donosi Vlada na prijedlog Odjeljenja.

Član 62.
(Obaveza pravnog lica)

Pravno lice finansira vlastitim sredstvima troškove, koji se odnose na pripremanje i opremanje povjerenika i jedinica civilne zaštite opšte namjene, koje osniva radi zaštite i spašavanje vlastitog ljudstva, imovine i drugih materijalnih dobara od opasnosti i djelovanja prirodnih i drugih nesreća.

Član 63.
(Naknada za štetu nastalu namjerom i nepažnjom)

- (1) Fizičko ili pravno lice, koje je namjerno ili nepažnjom prouzrokovalo opasnosti zbog kojih su nastali troškovi, odnosno prouzrokovalo nesreću, dužno je nadoknaditi:
 - a) troškove angažovanja jedinica za zaštitu i spašanje;
 - b) troškove sanacije i dovođenja u prvobitno stanje;
 - c) troškove štete fizičkim i pravnim licima.
- (2) Ako je više uzročnika nesreće iz stava (1) ovog člana i ne može se utvrditi njihov pojedinačni udio, nastale troškove nadoknađuju svi počinioci solidarno.

Odjeljak H. (Plan i program zaštite i spašavanja)

Član 64. (Plan i program zaštite i spašavanja)

- (1) Organizovanje i sprovođenje zaštite od prirodnih ili drugih nesreća vrši se na osnovu Plana i programa zaštite i spašavanja.
- (2) Plan i program zaštite i spašavanja priprema Odjeljenje.

Član 65. (Plan zaštite i spašavanja Distrikta)

- (1) Plan zaštite i spašavanja Distrikta uređuje organizovano i usklađeno djelovanje za sprečavanje nesreća, odnosno smanjenje njihovih posljedica i što brže obezbjeđenje osnovnih uslova za život u slučaju prirodne i druge nesreće.
- (2) Plan zaštite i spašavanja Distrikta sadrži:
 - a) procjenu ugroženosti ljudi i materijalnih dobara;
 - b) dokumente o osmatranju i obavještanju;
 - c) dokumente o angažovanju i aktiviranju;
 - d) dokumente o sprovođenju aktivnosti na zaštiti i spašavanju;
 - e) dokumente o mjerama zaštite;
 - f) dokumente o spašavanju i pomoći.

Član 66. (Program zaštite i spašavanja Distrikta)

- (1) Programom zaštite i spašavanja Distrikta određuju se ciljevi, politika i strategija zaštite i spašavanja u Distriktu za planski period od deset godina.
- (2) Program zaštite i spašavanja Distrikta obavezno sadrži:
 - a) utvrđivanje elemenata za procjenu ugroženosti;
 - b) stanje organizovanja i sprovođenja zaštite od prirodnih ili drugih nesreća;
 - c) određivanje stepena zaštite od pojedinih prirodnih ili drugih nesreća;
 - d) osnovne ciljeve, zadatke i način ostvarivanja civilne zaštite;
 - e) definisanje preventivnih mjera;
 - f) smjernice za organizovanje jedinica zaštite i spašavanja;
 - g) smjernice za izradu programa obučavanja i osposobljavanja jedinica zaštite i spašavanja i stanovništva;
 - h) analizu očekivanih troškova sa izvorima finansiranja.

Član 67. (Procjena ugroženosti od prirodnih ili drugih nesreća)

- (1) Planiranje zaštite i spašavanja mora se zasnivati na procjenama ugroženosti.
- (2) Procjenu ugroženosti Distrikta od prirodnih ili drugih nesreća izrađuje Odjeljenje na osnovu Metodologije za procjenu štete od prirodnih ili drugih nesreća.

Član 68.
(Svrha plana zaštite i spašavanja Distrikta)

Planom civilne zaštite Distrikta obezbjeđuje se organizovano i usklađeno djelovanje za sprečavanje nesreća, odnosno smanjenje njihovih posljedica i što brže obezbjeđenje osnovnih uslova za život u slučaju prirodne i druge nesreće.

Član 69.
(Usklađivanje i dopunjavanje plana zaštite i spašavanja distrikta)

Plan zaštite i spašavanja se usklađuje i dopunjava, na osnovu nova saznanja i iskustva stečenih pri djelovanju u slučaju prirodne ili druge nesreće.

Član 70.
(Planovi zaštite i spašavanja pravnih lica)

- (1) Mjere i aktivnosti zaštite i spašavanja u pravnom licu utvrđuju se planovima zaštite i spašavanja od prirodnih i drugih nesreća koje donose pravna lica u Distriktu.
- (2) Planovi zaštite i spašavanja od prirodnih ili drugih nesreća pravnih lica usklađuju se sa Planom i programom zaštite i spašavanja.
- (3) Planovi zaštite i spašavanja od prirodnih i drugih nesreća pravnih lica mogu biti:
 - a) jedinstveni;
 - b) zbirni (prema srodnosti);
 - c) pojedinačni za pojedine vrste prirodnih i drugih nesreća.
- (4) Vlada, na prijedlog šefa Odjeljenja, donosi Pravilnik o sadržaju i načinu izrade planova zaštite i spašavanja od prirodnih ili drugih nesreća u pravnim licima Brčko distrikta Bosne i Hercegovine.

Odjeljak I. (Rukovođenje i upotreba jedinica za zaštitu i spašavanje)

Član 71.
(Rukovođenje zaštitom i spašavanjem)

- (1) Rukovođenje zaštitom i spašavanjem, saglasno planovima zaštite i spašavanja, obuhvata odlučivanje o pitanjima koja se odnose na:
 - a) preduzimanje konkretnih mjera, postupaka, zadataka i aktivnosti iz oblasti zaštite i spašavanja;
 - b) organizovanje i koordinaciju akcija zaštite i spašavanja.
- (2) Rukovođenje iz stava (1) ovog člana, vrši se na osnovu prethodno procijenjene situacije na određenom području.

Član 72.
(Upotreba jedinica)

- (1) Jedinice zaštite i spašavanja formirane na teritoriji Distrikta upotrebljavaju se na poslovima zaštite i spašavanja na području Distrikta.
- (2) Jedinice i službe zaštite i spašavanja koje su osnovane u Distriktu mogu se upotrijebiti i na području drugog grada ili opštine o čemu odlučuje komandant Štaba Distrikta.

(3) Upotreba jedinica zaštite i spašavanja traje do momenta kada je završeno spašavanje ugroženih i stradalih ljudi i materijalnih dobara, odnosno kada se ocijeni da daljnju aktivnost na obavljanju tih poslova i zadataka mogu uspješno provoditi nadležni organi i pravna lica u okviru svoje redovne djelatnosti, o čemu odlučuje nadležni Štab Distrikta.

Član 73. (Upotreba jedinica i sredstava civilne zaštite)

(1) Jedinice civilne zaštite, službe civilne zaštite, povjerenici kao i sredstva civilne zaštite upotrebljavaju se:

- a) kada stanovništvo i materijalna dobra budu ugroženi prirodnim ili drugim nesrećama;
- b) za vrijeme vježbi i drugih oblika obuke.

(2) Jedinice i povjerenici civilne zaštite upotrebljavaju se, u skladu sa planovima zaštite i spašavanja, na poslovima zaštite ljudi i materijalnih dobara tih organa i pravnih lica.

(3) Jedinice i povjerenici civilne zaštite iz stava (2) ovog člana mogu se upotrebljavati i za izvršavanje poslova i izvan tih organa i pravnih lica, o čemu odlučuje Štab Distrikta.

Član 74. (Naredba o upotrebi jedinica i službi zaštite i spašavanja)

Naredbu o upotrebi jedinica zaštite i spašavanja, donosi:

- a) za potrebe Distrikta, Štab Distrikta;
- b) za potrebe pravnog lica, direktor ili drugi nadležni organ.

Član 75. (Komandovanje jedinicama civilne zaštite)

(1) U toku vršenja poslova iz svoje nadležnosti, komandovanje jedinicama za zaštitu i spašavanje vrše komandiri tih jedinica.

(2) Za komandovanje jedinicama civilne zaštite, komandiri tih jedinica odgovorni su Štabu Distrikta koji rukovodi akcijama zaštite i spašavanja na području na kojem su angažirane te jedinice.

(3) Fizičko lice raspoređeno u jedinicu civilne zaštite izvršava naređenja komandira jedinice civilne zaštite opšte namjene u koju je raspoređeno, a jedinica civilne zaštite opšte namjene izvršava naređenja Štaba Distrikta.

(4) Jedinicama za zaštitu i spašavanje komanduje pomoćnik načelnika Štaba Distrikta.

(5) Profesionalnim i specijalizovanim jedinicama komanduju lica koja su imenovana od strane šefa odjeljenja.

(5) Jedinicama civilne zaštite opšte namjene komanduje šef odjeka za civilnu zaštitu.

(6) Povjerenik civilne zaštite je komandir jedinice civilne zaštite opšte namjene.

Odjeljak J. (Lična i uzajamna zaštita)

Član 76 (Lična i uzajamna zaštita)

(1) Lična i uzajamna zaštita je najmasovniji oblik pripremanja i organizovanog učešća fizičkih i pravnih lica u civilnoj zaštiti, koja se sprovodi u stambenim zgradama, javnim i drugim

objektima, naseljima i pravnim licima.

(2) Lična i uzajamna zaštita obuhvata:

- a) obuku fizičkih lica za samozaštitu;
- b) mjere i postupke preventivne zaštite;
- c) prvu pomoć;
- d) samopomoć;
- e) zbrinjavanje djece i iznemoglih lica;
- f) druge hitne intervencije u zaštiti i spašavanju ljudi i materijalnih dobara.

(3) Fizička i pravna lica u Distriktu dužna su provoditi ličnu i uzajamnu zaštitu, pružati pomoć i spašavati ljudske živote, materijalna i druga dobra.

Odjeljak K. (Mjere i aktivnosti na zaštiti i spašavanju)

Član 77. (Mjere zaštite i spašavanja)

(1) Mjere zaštite i spašavanja predstavljaju organizovane radnje i postupke preventivne zaštite koje pripremaju i provode nosioci zaštite i spašavanja u Distriktu.

(2) U cilju zaštite i spašavanja ljudi i materijalnih dobara od opasnosti i posljedica nastalih od prirodnih ili drugih nesreća, nosioci zaštite i spašavanja planiraju i pripremaju mjere i aktivnosti:

- a) zaštite u slučaju neposredne opasnosti od prirodnih ili drugih nesreća;
- b) zaštite i spašavanja za vrijeme trajanja prirodnih ili drugih nesreća;
- c) za ublažavanje i otklanjanje posljedica od prirodnih ili drugih nesreća.

Član 78 (Mjere i aktivnosti u slučaju neposredne opasnosti)

Mjere i aktivnosti u slučaju neposredne opasnosti od prirodnih ili drugih nesreća su:

- a) aktiviranje Štaba Distrikta;
- b) prikupljanje podataka o mogućim opasnostima;
- c) organizovanje sistema veza i rukovođenja;
- d) osmatranje, obavještanje i uzbunjivanje;
- e) aktiviranje službi za zaštitu i spašavanje;
- f) aktiviranje jedinica za zaštitu i spašavanje;
- g) provođenje drugih mjera i aktivnosti, značajnih za zaštitu od prirodnih ili drugih nesreća.

Član 79. (Mjere i aktivnosti zaštite i spašavanja za vrijeme trajanja prirodnih ili drugih nesreća)

Mjere i aktivnosti zaštite i spašavanja za vrijeme trajanja prirodnih ili drugih nesreća sastoje se od neposrednog učestvovanja jedinica za zaštitu i spašavanje u:

- a) zaštitu i spašavanju;
- b) sklanjanju ljudi, materijalnih i drugih dobara;
- c) sprovođenju evakuacije, prihvatanja i zbrinjavanja ugroženog stanovništva;
- d) koordinaciji mjera i aktivnosti s Policijom Distrikta, štabovima civilne zaštite entiteta i Oružanim snagama Bosne i Hercegovine;

e) preduzimanju drugih aktivnosti za sprečavanje širenja djelovanja nastalih posljedica od prirodnih ili drugih nesreća.

Član 80.
(Mjere i aktivnosti za ublažavanje i otklanjanje neposrednih posljedica od prirodnih i drugih nesreća)

Mjere i aktivnosti za ublažavanje i otklanjanje neposrednih posljedica od prirodnih ili drugih nesreća su:

- a) angažiranje pravnih lica iz oblasti zdravstvene, veterinarske, komunalne, građevinske i drugih djelatnosti;
- b) angažiranje pravnih lica i odgovarajućih jedinica za zaštitu i spašavanje za sprovođenje asanacije;
- c) normalizacija uslova života i rada na ugroženom području;
- d) prikupljanje podataka o obimu posljedica nastalih od prirodnih ili drugih nesreća;
- e) prikupljanje i raspodjela pomoći nastradalom stanovništvu;
- f) sprovođenje zdravstvenih, veterinarskih i higijensko-epidemioloških mjera i aktivnosti kojim se ublažavaju ili otklanjaju neposredne posljedice izazvane prirodnim ili drugim nesrećama.

Član 81.
(Vrste mjera zaštite i spašavanja)

- (1) U oblasti zaštite i spašavanja, provode se sljedeće vrste mjera i aktivnosti:
- a) obavještanje i osmatranje;
 - b) sklanjanje ljudi, materijalnih i drugih dobara;
 - c) evakuacija;
 - d) zbrinjavanje ugroženih, nastradalih i evakuisanih;
 - f) radiološka, hemijska i biološka zaštita;
 - g) zaštita i spašavanje iz ruševina;
 - h) zaštita i spašavanje na vodi i pod vodom;
 - i) zaštita i spašavanje od požara;
 - j) zaštita od neeksplozivnih ubojnih sredstava (u daljem tekstu: NUS) i minskoeksplozivnih sredstava (u daljem tekstu: MES);
 - k) prva medicinska pomoć;
 - l) zaštita i spašavanje životinja i namirnica životinjskog porijekla;
 - m) asanacija terena;
 - n) zaštita životne okoline;
 - o) zaštita bilja i biljnih proizvoda.
- (2) Osim sprovođenja mjera i aktivnosti iz stava (1) ovog člana mogu se planirati, pripremati i sprovoditi i druge mjere i aktivnosti u zaštiti i spašavanju.
- (3) Za sprovođenje pojedinih mjera zaštite i spašavanja gradonačelnik Distrikta može donositi posebna upustva.

Član 82.
(Sklanjanje ljudi, materijalnih i drugih dobara)

- (1) Sklanjanje ljudi, materijalnih i drugih dobara obuhvata:
- a) planiranje;
 - b) izgradnju, održavanje i korištenje skloništa i drugih zaštitnih objekata pogodnih za zaštitu;

c) sklanjanje ljudi i materijalnih dobara.

(2) Materijalna dobra koja podliježu obavezi sklanjanja su materijalna i druga dobra koja služe za podmirenje životnih potreba građana kao i druga materijalna, kulturna dobra izuzetne naučne, istorijske, kulturne i umjetničke vrijednosti, pogodna za prenošenje i sklanjanje.

Član 83. (Skloništa i drugi zaštitni objekti)

(1) Pod skloništem se podrazumijeva objekat za zaštitu ljudi i materijalnih dobara koji pruža zaštitu od vazdušnog nadpritiska, požara i kontaminacije.

(2) Pod drugim zaštitnim objektima podrazumijevaju se:

a) podrumске i druge prostorije u stambenim i drugim objektima prilagođene za sklanjanje ljudi i materijalnih dobara;

b) napušteni tuneli;

c) pećine;

d) drugi prirodni i vještački objekti i izgrađeni zakloni.

(3) Prostornim i urbanističkim planovima uređuje se izgradnja novih i prilagođavanje postojećih skloništa i drugih zaštitnih objekata za zaštitu i spašavanje ljudi i materijalnih dobara.

Član 84. (Evakuacija)

(1) Evakuacija je mjera zaštite i spašavanja koja predstavlja plansko, organizovano, kontrolisano i privremeno premještanje stanovništva i materijalnih dobara iz ugroženih u relativno bezbjedna područja Distrikta, susjedne ili druge opštine, pod uslovom da drugim mjerama zaštite i spašavanja nije moguće zaštititi ljude i materijalna dobra.

(2) Evakuacija iz stava (1) ovog člana, provodi se s ciljem da se izbjegne ili umanjí masovno stradanje stanovništva i uništavanje materijalnih dobara.

Član 85. (Vrste evakuacije)

(1) Evakuacija, zavisno od stepena ugroženosti stanovništva, po obimu može biti:

a) potpuna;

b) djelimična.

(2) Evakuacija po vremenu izvođenja može biti:

a) pravovremena;

b) naknadna.

(3) Potpuna evakuacija obuhvata evakuaciju cjelokupnog stanovništva s područja koje može biti zahvaćeno ili je zahvaćeno prirodnim ili drugim nesrećama ili u slučaju opasnosti od rušenja i slično.

(4) Djelimična evakuacija obuhvata evakuaciju samo određenih kategorija stanovništva, kao što su:

a) teško povrijeđeni i bolesni;

b) invalidi i iznemogli građani,

c) trudnice;

d) majke sa djecom do sedam, odnosno dvoje djece do 10 godina života,

e) djeca i učenici osnovnih škola;

- f) lica za koja se ocijeni da nemaju uslove za život i efikasnu zaštitu na ugroženom području.
- (5) Odluku o kategorijama stanovništva koje se evakuše donosi Štab Distrikta koji naređuje evakuaciju.
- (6) Pravovremena evakuacija podrazumijeva potpunu ili djelimičnu evakuaciju koja se izvodi prije početka nastanka prirodne ili druge nesreće.
- (7) Naknadna evakuacija podrazumijeva potpunu ili djelimičnu evakuaciju koja se izvodi po nastanku prirodne ili druge nesreće ili njenom prestanku.

Član 86.
(Naredba o evakuaciji)

Naredbu o evakuaciju stanovništva i materijalnih dobara donosi Štab Distrikta.

Član 87.
(Pripreme za evakuaciju)

- (1) Pripreme i sprovođenje evakuacije vrši Štab Distrikta, koji planira evakuaciju i vrši prihvatanje evakuisanog stanovništva.
- (2) Plan evakuacije i plan prihvata evakuisanog stanovništva i materijalnih dobara se međusobno usklađuju.
- (3) Evakuaciju provode jedinice za zaštitu i spašavanje.
- (4) Pri provođenju evakuacije angažuju se i policija, humanitarne organizacije i pravna lica.
- (5) Evakuaciju materijalnih dobara planiraju i provode nosioci zaštite i spašavanja koji raspolažu tim dobrima.

Član 88.
(Zbrinjavanje ugroženih, nastradalih i evakuisanih)

U cilju zbrinjavanja ugroženog, nastralog ili evakuisanog stanovništva od prirodnih ili drugih nesreća preduzimaju se hitne aktivnosti i mjere za:

- a) smještaj;
- b) ishranu;
- c) obezbjeđenje drugih potrebnih uslova za život ugroženog, nastralog ili evakuisanog stanovništva.

Član 89.
(Rukovođenje postupkom zbrinjavanja)

- (1) Štab Distrikta neposredno rukovodi postupkom zbrinjavanja ugroženog, nastralog i evakuisanog stanovništva od prirodnih ili drugih nesreća.
- (2) Štab Distrikta vrši pripremu provođenje zbrinjavanja stradalih u skladu sa procjenom ugroženosti.

Član 90.
(Troškovi zbrinjavanja)

Troškovi zbrinjavanja ugroženih, stradalih, prognanih i evakuisanih lica podmiruju se iz:

- a) budžeta Distrikta;
- b) sredstava solidarne pomoći;

- c) sredstava humanitarne pomoći;
- d) inostranih donacija.

Član 91.
(Privremeni smještaj)

Vlasnici i korisnici objekata, koji su pogodni za smještaj, dužni su ako to naredi Štab Distrikta, primiti na privremeni smještaj stanovništvo i materijalna dobra s ugroženih područja.

Član 92.
(Radiološka, hemijska i biološka zaštita)

Radiološka, hemijska i biološka zaštita (u daljem tekstu: RHB zaštita) obuhvata mjere i postupke koji se organizuju i provode radi:

- a) sprečavanja, ublažavanja i otklanjanja posljedica od RHB djelovanja na:
 - 1) stanovništvo;
 - 2) životinjski svijet;
 - 3) biljni svijet;
 - 4) materijalna dobra;
- b) ublažavanje i otklanjanje posljedica tehnoloških havarija i drugih akcidenata od RHB agenasa.

Član 93.
(Sadržaj RHB zaštite)

- (1) RHB zaštita obuhvata:
 - a) RHB kontrolu;
 - b) RHB zaštitu (ličnu i kolektivnu);
 - c) RHB dekontaminaciju.
- (2) RHB kontrola se ostvaruje:
 - a) RHB izviđanjem;
 - b) dozimetrijskom kontrolom;
 - c) laboratorijskim poslovima.

Član 94.
(Lična i kolektivna zaštita RHB zaštita)

- (1) Lična zaštita obuhvata mjere i postupke koje svaki pojedinac preduzima radi samozaštite upotrebom sredstava za ličnu RHB zaštitu.
- (2) Kolektivna zaštita stanovništva predstavlja osnov zaštite u urbanoj sredini, pravnim licima kojom se obezbjeđuje kolektivna zaštita radnika, ljudi i materijalnih dobara od posljedica RHB dejstava.

Član 95.
(Sredstva lične RHB zaštite)

- (1) Radi obezbjeđenja uslova za zaštitu od posljedica upotrebe RHB sredstava koriste se odgovarajuća sredstva za ličnu RHB zaštitu.
- (2) Pod sredstvima za ličnu RHB zaštitu iz stava (1) ovog člana, podrazumijevaju se:

- a) zaštitna maska;
- b) zaštitni ogrtač;
- c) zaštitne rukavice;
- d) prvi zavoj.

(3) Šef Odjeljenja donosi Pravilnik o vrsti i načinu nabave RHB opreme.

Član 96.

(Aktivnosti na zaštiti i spašavanju iz ruševina)

(1) U cilju zaštite i spašavanja ljudi i materijalnih dobara iz ruševina, koje mogu nastati uslijed zemljotresa, diverzija, ratnih razaranja, tehničko-tehnoloških katastrofa, odrona, klizanja tla i drugih prirodnih ili drugih nesreća, organizuju se i provode odgovarajuće aktivnosti i mjere zaštite i spašavanja koje obuhvataju:

- a) mjere, radnje i postupke na izviđanju ruševina i pronalaženju osoba zatrpanih u ruševinama;
- b) osiguranje oštećenih i pomjerenih dijelova konstrukcija zgrada i objekata radi sprečavanja daljeg rušenja;
- c) spašavanja zatrpanih, odnosno njihovo izvlačenje izvan zone rušenja i preduzimanje mjera prve pomoći i zbrinjavanja;
- d) druge mjere zaštite kojima se doprinosi zaštiti i spašavanju iz ruševina.

(2) Zaštita i spašavanje iz ruševina obavezno se planiraju i provode kao preventivne mjere u postupku donošenja prostornih i urbanističkih planova, građevinsko-tehničkih i drugih potrebnih mjera kako bi se smanjio štetan utjecaj prirodnih ili drugih nesreća i omogućila efikasna zaštita i spašavanje.

Član 97.

(Subjekti zaštite i spašavanja iz ruševina)

Zaštitu i spašavanje iz ruševina provode:

- a) specijalizovane jedinice za zaštitu i spašavanje;
- b) jedinice civilne zaštite opšte namjene;
- c) vatrogasne jedinice;
- d) građani u okviru samozaštite;
- e) građevinska, komunalna, transportna i druga pravna lica;
- f) pravna lica koja raspolažu odgovarajućim materijalno-tehničkim sredstvima, opremom, znanjem i radnom snagom;
- h) organi javne uprave Distrikta;
- i) drugi učesnici zaštite i spašavanja koji se angažuju u skladu sa planom zaštite i spašavanja.

Član 98.

(Zaštita i spašavanje na vodi i pod vodom)

Zaštita i spašavanje na vodi i pod vodom je mjera koja sadrži sprovođenje zaštite i spašavanja ljudi i materijalnih dobara na području oko vodenih površina, ugroženih:

- a) poplavama;
- b) opasnostima izazvanim oštećenjem ili rušenjem nasipa ili drugih vodozaštitnih objekata;
- c) opasnosti od bujičnih i podzemnih voda.

Član 99.
(Sadržaj zaštite i spašavanja na vodi i pod vodom)

(1) Zaštita i spašavanje na vodi i pod vodom obuhvata:

- a) izgradnju, održavanje i saniranje oštećenih objekata za zaštitu od poplava;
- b) osmatranje i izviđanje stanja vodostaja;
- c) planiranje i sprovođenje evakuacije stanovništva i materijalnih dobara iz ugroženih područja;
- d) planiranje i obezbjeđenje prevoženja i prelaza preko rijeka;
- e) ispumpavanje vode iz poplavljenih objekata i izvlačenje nastradalih;
- f) snabdijevanje poplavom ugroženog stanovništva potrebnim namirnicama i drugim sredstvima;
- g) učešće na saniranju posljedica izazvanih poplavama.

(2) Vlasnici kupališta, plaža i sličnih objekata, osiguravaju odgovarajuće spasilačke službe za spašavanje kupaca i utopljenika o svom trošku.

Član 100.
(Spašavanje od poplava)

(1) Za otkrivanje i utvrđivanje opasnosti i organizaciju sprovođenja zaštite i spašavanja od poplava izazvanih oštećenjem ili rušenjem brana, nasipa i opasnosti od bujičnih i podzemnih voda koje uzrokuju poplave, nadležni su:

- a) Odjeljenje;
- b) Odjeljenje za poljoprivredu, šumarstvo i vodoprivredu;
- c) Pravna lica koja upravljaju vodoprivrednim objektima.

(2) Planom odbrane od poplava Vlada utvrđuje zadatke, nosioce i jedinstven i usklađen način postupanja u pripremi i sprovođenju aktivnosti zaštite i spašavanja.

Član 101.
(Subjekti zaštite i spašavanja u vodi)

Zaštitu i spašavanje na vodi i pod vodom provode:

- a) specijalizovane jedinice za zaštitu i spašavanje u vodi;
- b) građani u okviru samozaštite;
- b) pravno lice čija je to djelatnost ili je ta djelatnost vezana uz rijeke i jezera;
- c) sportsko i drugo udruženje koje se bavi sportom na vodi ili pod vodom;
- d) druge jedinice za zaštitu i spašavanje.

Član 102.
(Sadržaj zaštite i spašavanje od požara)

(1) Zaštita i spašavanje od požara obuhvata:

- a) pripremu i sprovođenje preventivnih mjera u svim sredinama, objektima, mjestima i prostorima gdje postoji mogućnost nastanka požara;
- b) organizaciju osmatranja i obavještanja o pojavama požara;
- c) lokalizovanje i gašenje požara;
- d) spašavanje ljudi, materijalnih i drugih dobara iz objekata i područja ugroženih požarom.

(2) Odjeljenja Vlade Distrikta i službe koje se bave zaštitom od požara, a posebno profesionalne i dobrovoljne vatrogasne jedinice kao i drugi oblici vatrogasnog organizovanja,

planiraju, pripremaju, provode zaštitu od požara i postupaju u skladu sa ovim zakonom i Zakonom o zaštiti od požara Brčko distrikta BiH.

Član 103.
(Planovi aktivnosti na zaštiti od požara)

(1) Organizacija zaštite od požara i provođenje mjera zaštite od požara na teritoriji Distrikta sprovodi se na osnovu Plana zaštite od požara Brčko distrikta Bosne i Hercegovine (u daljem tekstu: Plan zaštite od požara), i kategorizacije ugroženosti od požara pravnih lica u skladu sa Zakonom o zaštiti od požara.

(2) Mjere i aktivnosti zaštite od požara u slučaju prirodnih nesreća regulišu se Planom zaštite od požara

(3) Godišnji plan aktivnosti na pripremi i provođenju mjera zaštite od šumskih i drugih požara na otvorenom prostoru koji mogu poprimiti razmjere prirodnih ili drugih nesreća, donosi Odjeljenje za poljoprivredu, šumarstvo i vodoprivredu.

(4) Pitanja koja se odnose na upravne, organizacijske, tehničke, obrazovne, propagandne i druge mjere i postupke, a koje se preduzimaju u cilju sprečavanja izbijanja i širenja požara, njihovog otkrivanja i gašenja i spašavanja ljudi i materijalnih dobara od opasnosti od požara, osnivanje i djelovanje vatrogasnih društava, uređuju se Zakonom o zaštiti od požara Brčko distrikta BiH, Planom zaštite od požara i kategorizacijom pravnih lica.

Član 104.
(Sadržaj zaštite od NUS-a i MES-a)

(1) Zaštita od NUS-a i MES-a je mjera zaštite i spašavanja koja se sastoji u:

- a) deminiranju;
- b) pronalaženju;
- c) otkrivanju;
- d) obilježavanju;
- e) iskopavanju;
- f) prenošenju;
- g) utovaru;
- h) prevoženju;
- i) istovaru;
- j) privremenom skladištenju;
- k) dezaktiviranju;

l) uništavanju NUS-a i MES-a na svim područjima na kojima se nalaze ta sredstva.

(2) Izuzetno od stava (1) ovog člana, izviđanje i obilježavanje mina u minskim poljima i deminiranje je u nadležnosti Centra za uklanjanje mina Bosne i Hercegovine u skladu sa Zakonom o deminiranju Bosne i Hercegovine.

(3) Od mjera zaštite od NUS-a i MES-a izuzete su neeksplozirane diverzantsko-terorističke naprave koje su predmet krivičnog djela ili prekršaja i spadaju u isključivu nadležnost Policije Distrikta.

(4) Nosilac poslova iz stava (1) ovog člana je Pododjeljenje, Odsjek za civilnu zaštitu.

Član 105.
(Obaveza obavještanja)

(1) Fizičko lice i odgovorno lice u pravnim licima, o otkrivenim NUS-a i MES-a:

- a) obavještavaju Centar-112 ili Policiju Distrikta;
 - b) osiguravaju ih dok ne dođu ovlaštena lica.
- (2) Poslove iz člana 104 ovog zakona organizuje Odsjek civilne zaštite putem timova za uništavanje NUS-a i MES-a kao i pravna lica koja dobiju ovlaštenje za obavljanje tih poslova, u skladu sa Zakonom o deminiranju Bosne i Hercegovine.

Član 106. **(Timovi i jedinice)**

- (1) Nalog za uklanjanje NUS i MES izdaje šef odsjeka za civilnu zaštitu.
- (2) Timovi iz člana 105. stav (2) ovog zakona, poslove uklanjanja i uništavanja NUS-a i MES-a, vrše na način i pod uslovima koji su utvrđeni:
- a) Međunarodnim standardima za humanitarne operacije razminiranja, objavljenih pod pokroviteljstvom Ujedinjenih naroda;
 - b) Standardima kvalitete u operacijama uklanjanja mina donesenim od Komisije za razminiranje Bosne i Hercegovine;
 - c) Standardima operativne procedure uklanjanja i uništavanja NUS-a i MES-a, koje donosi Odsjek za civilnu zaštitu, a ovjerava i potvrđuje Centar za uklanjanje mina Bosne i Hercegovine.
- (3) Način stručnog osposobljavanja i drugi uslovi za lica koja mogu vršiti uništavanje NUS-a, načinu osiguranja, prevoza, uklanjanja i uništavanja tih sredstava, utvrđuje se pravilnikom koji donosi šef Odjeljenja na prijelog Pododjeljenja.

Član 107. **(Sadržaj prve medicinske pomoći)**

- (1) Prva medicinska pomoć je mjera zaštite i spašavanja koja obuhvata:
- a) preventivnu zaštitu;
 - b) operativnu zaštitu koja se sastoji od pružanja prve pomoći standardnim i priručnim sredstvima na licu mjesta;
 - c) medicinske mjere pomoći ranjenim, povrijeđenim i oboljelim građanima;
 - d) sanitetske mjere evakuacija i transport do najbliže zdravstvene službe.
- (2) U pružanju pomoći iz stava (1) ovog člana učestvuju:
- a) zdravstvene ustanove;
 - b) jedinice civilne zaštite opšte namjene;
 - c) građani u okviru samozaštite.

Član 108. **(Rezerve krvi i krvne plazme)**

- (1) Zdravstvene ustanove Distrikta za potrebe stanovništva na svom području obezbjeđuju odgovarajuće rezerve krvi i krvne plazme.

Član 109. **(Sadržaj zaštite i spašavanja životinja i namirnica životinjskog porijekla)**

- (1) Zaštita i spašavanje životinja i namirnica životinjskog porijekla je mjera koja se sastoji u:
- a) sklanjanju i premještanju;

- b) sprečavanju i lokalizovanju pojave parazitskih, zaraznih i uzgojnih bolesti;
 - c) kontroli životinja, sirovina, proizvoda i otpadaka životinjskog porijekla;
 - d) kontroli ispravnosti stočne hrane i vode;
 - e) ukazivanju prve veterinarske pomoći oboljeloj stoci;
 - f) uklanjanju leševa životinja i drugog otpada animalnog porijekla;
 - g) preduzimanju drugih odgovarajućih mjera.
- (2) Nadležne službe Distrikta organizuju, usklađuju i provode:
- a) zaštitu, spašavanje i zbrinjavanje ugroženih, stradalih, oboljelih i zatrovanih životinja;
 - b) zaštitu i spašavanje namirnica životinjskog porijekla od opasnosti i posljedica prirodnih ili drugih nesreća.

Član 110. (Asanacija terena)

- (1) Asanacija terena kao mjera zaštite i spašavanja sastoji se od preduzimanja sanitarno-higijenskih i sanitarno-tehničkih mjera na terenu, u naselju i objektima u cilju sprečavanja širenja zaraze, epidemije i drugih štetnih posljedica po ljude i materijalna dobra.
- (2) Ova mjera organizuje se i sprovodi na terenu i obuhvata:
- a) uklanjanje, identifikaciju i sahranjivanje nastradalih;
 - b) uklanjanje leševa uginulih životinja;
 - c) dezinfekciju i deratizaciju objekata i terena;
 - d) uklanjanje otpadnih i štetnih materija koje ugrožavaju zdravlje i život ljudi i okoline.
- (3) U otklanjanju posljedica i sprovođenju aktivnosti i mjera asanacije iz stava (2) ovog člana učestvuju:
- a) zdravstvene i veterinarske službe;
 - b) komunalna preduzeća;
 - c) vatrogasne službe;
 - d) službe i jedinice zaštite i spašavanja;
 - e) službe Distrikta nadležne za poslove iz stava (1) ovog člana;
 - f) druga pravna lica.

Član 111. (Zaštita životne okoline)

- Nosioci poslova zaštite i spašavanja preduzimaju mjere zaštite životne sredine u slučajevima kada nadležni organi nisu preduzeli odgovarajuće preventivne i sanacione mjere i kada se procjeni da postoji opasnost značajnog ugrožavanja životne sredine i zdravlja ljudi uslijed:
- a) tehničko-tehnoloških nesreća u industriji, saobraćaju kao i drugih nesreća i katastrofa čije posljedice mogu ugroziti okolinu, a naročito prirodne resurse;
 - b) ispuštanja toksičnih i štetnih hemijskih i drugih materija u okolinu iz industrijskih postrojenja, saobraćajnih motornih vozila i industrijskih ložišta u domaćinstvima, u količinama koje uzrokuju koncentracije u vodi, zraku i zemlji iznad maksimalno dozvoljenih vrijednosti;
 - c) odlaganja komunalnog, industrijsko-tehnološkog i drugog čvrstog i tečnog otpada;
 - d) djelovanja vremenskih nepogoda na okolinu (snježne padavine, poplave, suše) kao i drugih prirodnih nepogoda.

Član 112.
**(Planiranje, organizovanje, pripremanje i sprovođenje
aktivnosti i mjera u zaštiti od opasnih materija)**

(1) Pravna lica iz oblasti proizvodnje i prometa hemijskih, toksičnih, eksplozivnih, radioaktivnih i drugih opasnih materija i pravna lica koja prevoze, skladište ili koriste ta sredstva:

- a) planiraju, organizuju, pripremaju i provode aktivnosti i mjere u zaštiti radi sprečavanja nastajanja opasnosti;
- b) preduzimaju potrebne mjere i aktivnosti spašavanja u slučaju nesreća i otklanjanja posljedica tehnoloških i ekoloških nesreća;
- c) preduzimaju potrebne mjere i aktivnosti u cilju zaštite okoline od nekontrolisanog širenja opasnih materija.

(2) Pravna lica iz stava (1) ovog člana organizuju i osposobljavaju stručne ekipe i osiguravaju potrebnu opremu i sredstva za hitne intervencije u zaštiti i spašavanju od opasnosti i posljedica od tehnološke i ekološke nesreće u okviru svoje djelatnosti.

Član 113.
(Zaštita bilja i biljnih proizvoda)

(1) Zaštita bilja i biljnih proizvoda je mjera zaštite kojom se sprovodi zaštita i spašavanje bilja i biljnih proizvoda od radiološkog, hemijskog i biološkog zagađivanja i svih drugih oblika zagađivanja.

(2) Pod biljem i biljnim proizvodima u smislu stava (1) ovog člana podrazumijevaju se:

- a) povrće;
- b) voće;
- c) žitarice;
- d) ljekovito, krmno, stočno i druge vrste bilja i zasada;
- e) šume i šumske kulture;
- f) biljne sirovine, sjeme i gotovi proizvodi od bilja koji se koriste za ishranu i liječenje ljudi i stoke.

Član 114.
(Sadržaj zaštite i spašavanja bilja)

Zaštita i spašavanje bilja i biljnih proizvoda obuhvata:

- a) izbor najoptimalnijih sorti bilja i pravilan uzgoj;
- b) korištenje zaštitnih sredstava u skladu sa standardima i normativima iz oblasti poljoprivrede;
- c) industrijsku proizvodnju hrane i lijekova;
- d) pravilno sušenje, silažu i skladištenje, čuvanje i transport sjemenskog bilja i gotovih proizvoda;
- e) zaštitu od požara, kao i druge mjere kojima se obezbjeđuje zaštita bilja i biljnih proizvoda od svih vrsta biljnih bolesti i štetočina i trovanja sirovina i gotovih proizvoda;
- f) prekrivanja bilja, sjemena, rasada, sirovina i drugih proizvoda plastičnim folijama i drugim sličnim materijalima radi zaštite od kontaminacije;
- g) sklanjanje bilja i biljnih proizvoda u za to namijenjena skloništa ili utrapljivanje;
- h) dekontaminacija, dezinfekcija, dezinsekcija i deratizacija skladišta;
- i) sušenje, konzerviranje i prerada voća i povrća;

j) ubiranje jestivog i ljekovitog bilja, krmnog, stočnog i drugih vrsta bilja i zasada u slučaju opasnosti od prirodnih i drugih nesreća.

Član 115. (Subjekti zaštite)

Zaštitu bilja i biljnih proizvoda organizuju i provode:

- a) Odjeljenje za poljoprivredu, šumarstvo i vodoprivredu;
- b) pravna lica i preduzetnici koja obavljaju djelatnost iz oblasti poljoprivrede, šumarstva i trgovine;
- c) poljoprivredna gazdinstva i individualni poljoprivredni proizvođači;
- d) stručne poljoprivredne institucije;
- e) uzgajivači bilja i proizvođači hrane;
- f) poljoprivredne službe zaštite i spašavanja i jedinice civilne zaštite.

Odjeljak L. (Inspekcijski nadzor)

Član 116. (Inspektor za zaštitu i spašavanje)

Inspektor za zaštitu i spašavanje (u daljem tekstu: Inspektor) obavlja inspekcijski nadzor nad provođenjem zakona i propisa koji se odnose na zaštitu i spašavanje.

Član 117. (Ovlaštenja i dužnosti)

Ovlaštenja i dužnosti Inspektora propisuju se Zakonom o inspekcijama Brčko distrikta Bosne i Hercegovine.

GLAVA VIII – POPUNA, MATERIJALNO OPREMANJE I EVIDENCIJA

Član 118. (Raspoređivanje u jedinice za zaštitu i spašavanje i povjerenike civilne zaštite)

(1) Raspoređivanje fizičkog lica u jedinice za zaštitu i spašavanje i povjerenike civilne zaštite vrši se u skladu sa Pravilnikom o normativima raspoređivanja fizičkih lica u jedinice za zaštitu i spašavanje i povjerenike civilne zaštite, koji donosi Vlada, na prijedlog šefa Odjeljenja.

(2) Na zahtjev Odjeljenja, Odjeljenje za javni registar omogućuje korištenje službenih podataka o prebivalištu fizičkog lica iz stava (1) ovog člana.

Član 119. (Opremanje štaba, službi, jedinica za zaštitu i spašavanje i povjerenika civilne zaštite)

(1) Štab Distrikta, jedinice i službe za zaštitu i spašavanje i povjerenici civilne zaštite opremanju se odgovarajućom opremom i materijalno-tehničkim sredstvima, koja su neophodna za njihovu ličnu zaštitu i za izvršavanje njihovih zadataka.

(2) Vrstu i količinu sredstava i opreme iz stava (1) ovog člana obezbjeđuje organ javne

uprave ili pravno lice koje ih organizuje.

(3) Pravilnik o obaveznoj opremi Štaba Distrikta, službi, jedinica za zaštitu i spašavanje i povjerenika civilne zaštite donosi Vlada, na prijedlog šefa Odjeljenja.

Član 120. (Identifikacija pripadnika civilne zaštite)

(1) Pripadnici štabova, službi, jedinica za zaštitu i spašavanje i povjerenici civilne zaštite, prilikom izvršavanja zadataka zaštite i spašavanja, nose odjeću jedinica zaštite i spašavanje na kojoj je na vidnom mjestu istaknut znak jedinice za zaštitu i spašavanje.

(2) Pripadnici jedinica za zaštitu i spašavanje u toku izvršavanja zadataka zaštite i spašavanja, radi identifikovanja i utvrđivanja statusa, nose identifikacijsku legitimaciju pripadnika jedinice.

(3) Vlada, na prijedlog šefa Odjeljenja, donosi:

- a) Pravilnik o uniformama i oznakama jedinica i komandnih dužnosti pripadnika zaštite i spašavanja;
- b) Pravilnik o načinu upotrebe znaka jedinica zaštite i spašavanja i veličini i sadržaju identifikacijske legitimacije za pripadnike zaštite i spašavanja.

Član 121. (Obezbjeđivanje sredstava i opreme)

Sredstva i opremu za jedinice za zaštitu i spašavanje obezbjeđuju:

- a) pravna lica od materijalno-tehničkih sredstava koja inače koriste u obavljanju njihove redovne djelatnosti;
- b) izuzimanjem materijalnih sredstava i opreme u skladu sa članom 14. ovog zakona.

Član 122. (Evidencija)

Evidenciju o pripadnicima jedinica civilne zaštite opšte namjene, vodi Odsjek civilne zaštite u skladu sa Pravilnikom o sadržaju i načinu vođenja evidencije pripadnika jedinica civilne zaštite opšte namjene, koji donosi šef Odjeljenja.

GLAVA IX - ANGAŽOVANJE JEDINICA ZAŠTITE I SPAŠAVANJA

Član 123. (Mjere pripravnosti)

Nosioci zaštite i spašavanja preduzimaju odgovarajuće mjere pripravnosti utvrđene Planom zaštite i spašavanja, kad se procijeni da postoji opasnost od prirodnih ili drugih nesreća.

Član 124. (Obaveze nosilaca zaštite i spašavanja)

Potrebne mjere zaštite i spašavanja, u skladu sa uslovima propisanim zakonom i bez posebnog poziva, preduzimaju:

- a) građani;
- b) pripadnici organa javne uprave;

- c) jedinice zaštite i spašavanja;
- d) zaposlenici;
- e) humanitarne organizacije;
- f) druga pravna lica;
- g) drugi nosioci zaštite i spašavanja.

(2) Lica iz stava (1) ovog člana, o preduzetim mjerama zaštite i spašavanja, dužna su odmah obavijestiti Centar-112 ili Policiju Distrikta.

Član 125.

(Angažovanje jedinica za zaštitu i spašavanje)

(1) Angažovanje obuhvata postupke, zadatke i aktivnosti koje po naređenju nadležnog organa provode Štab Distrikta, jedinice zaštite i spašavanja, povjerenici civilne zaštite i rukovodioci određenih pravnih lica, u skladu sa svojim planovima zaštite i spašavanja, kojima se osigurava organizovano aktiviranje i upotreba jedinica zaštite i spašavanja.

(2) Angažovanje započinje prijemom naređenja o aktiviranju jedinica za zaštitu i spašavanje, a završava se u vremenu određenom planom.

Član 126.

(Obaveze vlasnika i korisnika nekretnina, opreme i drugih dobara)

(1) Vlasnik i korisnik nekretnina, obavezan je omogućiti da se na njegovim nekretninama provode radovi neophodni za zaštitu i spašavanje od prirodnih ili drugih nesreće, kada to zahtijevaju potrebe zaštite i spašavanja.

(2) Vlasnik i korisnik opreme odnosno materijalno-tehničkih sredstava, raspoloživu opremu i sredstva, zajedno sa potrebnim ljudstvom stavlja na raspolaganje Štabu Distrikta, na osnovu naredbe komandanta štaba, u slučajevima proglašenja prirodne ili druge nesreće.

(3) Imaoci zaliha hrane, medicinske opreme i lijekova, odjeće, obuće, građevinskog i drugog materijala neophodnog za zaštitu i spašavanje, dužni su viškove sredstava i materijala staviti na raspolaganje Štabu Distrikta, u slučajevima proglašenja prirodne ili druge nesreće.

GLAVA X OBAVEZE I PRAVA PRIPADNIKA JEDINICA ZA ZAŠTITU I SPAŠAVANJE

Član 127.

(Obaveze i prava zaposlenika Pododjeljenja)

(1) Javni službenik i namještenik Pododjeljenja, kada to zahtijevaju potrebe službe (dežurstvo, akcije zaštite i spašavanja), obavljaju poslove i duže od punog radnog vremena, u skladu sa zakonom.

(2) Plata pripadnika profesionalnih i specijalnih jedinica zaštite i spašavanja, uvećava se za 15 %, kao dodatak za obavljanje poslova sa posebnim uslovima rada, težine i opasnosti za život.

(3) Izuzetno od odredbi stava (2) ovog člana, plata pripadnika tima za deminiranje, uvećava se za 30% kao dodatak za obavljanje poslova visokog rizika opasnosti za život.

(4) Odredbe stava (2) i (3) ovog člana ne odnose se na šefa Pododjeljenja, šefove odsjeka i rukovodeće javni službenike u Pododjeljenju.

(5) Pripadnici profesionalnih i specijalnih jedinica zaštite i spašavanja, imaju pravo na povoljniji procenat uvećanja plate, ukoliko je drugim zakonom omogućeno pravo na uvećanje

plate po osnovu kriterija iz stava (2) ili (3) ovog člana.

Član 128. (Priznanja)

(1) Jedinicama za zaštitu i spašavanje i zaslužnim pojedincima, za postignute uspjehe u akcijama zaštite i spašavanje mogu se dodijeliti priznanja i nagrade.

(2) Vlada, na prijedlog šefa Odjeljenja, pravilnikom utvrđuje vrstu, kriterije i postupak za dodjelu priznanja i nagrada iz stava (1) ovog člana.

GLAVA XI - KAZNENE ODREDBE

Član 129.

(1) Novčanom kaznom u iznosu od 500,00 KM do 10.000,00 KM kazniće se za prekršaj preduzeće, ustanova ili drugo pravno lice:

- a) ako ne ispune materijalnu obavezu iz člana 13. stav (1);
- b) ako ne sprovodi odgovarajuće pripreme, ne donese plan civilne zaštite ili ne upozna svoje radnike sa planiranim aktivnostima i mjerama zaštite i spašavanja (član 26. stav (2));
- c) ako u roku ne dostavi podatke o postojanju opasnosti koje proisteknu iz njegove djelatnosti (član 26.);
- d) ako ne nabavi ili ne drži u ispravnom stanju potrebna sredstva i opremu za zaštitu i spašavanje ili službi civilne zaštite Distrikta ne dostave podatke o objektima, njihovim korisnicima i stanju sredstava i opreme (član 27. stav (2) tačka e));
- e) ako ne daju prvenstvo u korištenju telekomunikacijskih i informatičkih sistema Štabu distrikta i organima civilne zaštite (član 28.);
- f) ako ne prime na privremeni smještaj građane i materijalna dobra sa ugroženih područja (član 91.);
- g) ako ne obavjesti nadležni organ o otkrivenom NUS-u (član 105);
- h) ako bez ovlaštenja ili suprotno važećim propisima vrši poslove uklanjanja i uništavanja NUS-a i MES-a (član 105. stav (2));
- i) ako ne osiguraju odgovarajuće rezerve krvi i krvne plazme (član 108.);
- j) ako ne organizuju i ne osposobe stručne ekipe i ne osiguraju potrebnu opremu i sredstva za hitne intervencije u zaštiti i spašavanju okoline (član 111.);
- k) ako Centru -112 ne dostavi određene podatke (član 105.);
- l) ako ne ažuriraju svoje planove zaštite i spašavanja (član 70. stav (2));
- m) ne provode odluke Štaba distrikta (član 26. stav (3));

(2) Za prekršaj iz stava (1) ovog člana kazniće se novčanom kaznom od 100,00 KM do 2.000,00 KM i odgovorno lice u preduzeću, ustanovi ili drugom pravnom licu.

Član 130.

Novčanom kaznom u iznosu od 1.000,00 KM do 5.000,00 KM kazniće se za prekršaj pravno lice, ustanova ili drugo pravno lice;

- a) ako ne provode preventivne mjere zaštite i spašavanja (član 26. stav (2) tačka a));
- b) ako ne učestvuju u pripremi i provođenju zaštite i spašavanja i ne ostvaruju koordinaciju i

saradnju s nadležnim organima i službama, odnosno štabovima civilne zaštite ili u svojim programima rada ne utvrde zadatke i organiziranje djelovanja u zaštiti i spašavanju (član 26. stav (2) tačka a) i b));

c) ako nadležnom organu ne daje podatke o objektima i korisnicima i stanju sredstava i opreme za zaštitu i spašavanje (član 26. stav (2) tačka h));

d) ako svoj plan zaštite i spašavanja ne uskladi s odgovarajućim višim planom zaštite (član 70. stav (2)).

Član 131.

Novčanom kaznom u iznosu od 50,00 KM do 1.000,00 KM kazniće se za prekršaj fizičko lice:

a) ako ne ispune obavezu davanja na korištenje civilnoj zaštiti vozila, mašina, opreme i drugih materijalnih sredstava (član 9. stav (1) tačka b) i član 13.);

b) ako ne sprovodi obuku i ličnu i uzajamnu zaštitu (član 9. stav (1) tačka c);

c) ako ne ustupi materijalno-tehnička sredstva, hranu, medicinsku opremu, lijekove odjeću; obuću, građevinski i drugi materijal kad to zahtijevaju potrebe zaštite i spašavanja (član 9. stav (1) tačka b.);

d) ako ne poduzme potrebne mjere zaštite i spašavanja od prirodne ili druge nesreće kada nastupi iznenada ili o tome ne obavijesti nadležni organ (član 9. stav (1) tačka a))

e) ako ne nabavi ili ne drži u funkcionalnom stanju sredstva za ličnu ili kolektivnu RHB zaštitu (član 9. stav (1) tačka 3));

f) ako se ne odazove pozivu nadležnog organa civilne zaštite za učešće u civilnoj zaštiti (član 14.);

g) ako se, kao pripadnik štaba, službe, jedinice ili kao povjerenik civilne zaštite, ne odazove pozivu ili ne učestvuje u obuci (član 57.);

h) ako ne prime na privremeni smještaj građane i materijalna dobra (član 91);

i) ako bez ovlaštenja i suprotno važećim propisima vrši poslove uklanjanja i uništavanja NUS-a i MES-a (član 105. stav (1));

GLAVA XII – PODZAKONSKI AKTI

Član 132.

(Podzakonski propisi)

(1) Vlada Brčko Distrikta, na prijedlog šefa Odjeljenja, donosi propise za izvršenje ovog zakona u roku od godinu dana od dana stupanja na snagu ovog zakona.

(2) Preduzeće i drugo pravno lice usklađuje svoje akte sa odredbama ovog zakona najkasnije u roku od šest mjeseci od dana donošenja propisa iz stava (1) ovog člana.

(3) Propisi iz stava (1) ovog člana su:

a) Pravilnik o osnovama i mjerilima za utvrđivanje zdravstvenih i psihofizičkih sposobnosti građanin za učešće u zaštiti i spašavanju i obučavanju za civilnu zaštitu u Distriktu (član 12 stav (2));

b) Pravilnik o načinu davanja i vraćanja materijalnih sredstava uzetih za potrebe jedinica civilne zaštite opšte namjene (član 13. stav (2));

- c) Pravilnik o visini i postupku ostvarivanja prava na jednokratnu novčanu pomoć u civilnoj zaštiti u Distriktu (član 17. stav (3));
- n) Metodologiju za izradu procjene ugroženosti od prirodnih i drugih nesreća u Distriktu (član 21 tačka b));
- n) Metodologiju za izradu procjene ugroženosti od prirodnih i drugih nesreća u Distriktu (član 21 tačka b));
- Pravilnik o radu Štaba Distrikta; (član 34. stav (3));
- Pravilnik o načinu i postupcima obavještanja (član. 45. stav (3));
- g) Pravilnik o organizovanju i funkcionisanju Centra-112 u Distriktu (član 46. stav (3));
- o) Pravilnik o kriterijumima i načinu saniranja šteta nastalih od prirodnih ili drugih nesreća u Brčko distriktu Bosne i Hercegovine (član 60. stav (2)).
- Pravilnik o visini naknade za angažovanje materijalnih sredstava fizičkih i pravnih lica na zaštiti i spašavanju (član 61. stav (1));
- d) Pravilnik o sadržaju i načinu izrade planova zaštite i spašavanja od prirodnih i drugih nesreća u Distriktu (član 70. stav (4));
- i) Pravilnikom o stručnoj spremi, načinu stručnog osposobljavanja i drugim uvjetima za lica koja mogu vršiti uništavanje neeksplozivnih ubojnih sredstava, načinu osiguranja, prevoza, uklanjanja i uništavanja tih sredstava (Član 106. stav (3));
- m) Pravilnik o načinu upotrebe znaka jedinica zaštite i spašavanja i veličini i sadržaju identifikacijske legitimacije za pripadnike jedinica zaštite i spašavanja (član 116. stav (3));
- l) Pravilnik o uniformama i oznakama specijalnosti jedinica i komandnih dužnosti pripadnika civilne zaštite (član 118. stav (1));
- Pravilnik o obaveznoj opremi Štaba Distrikta, službi, jedinica za zaštitu i spašavanje i povjerenika civilne zaštite (član 19. stav (3));
- Pravilnik o vrsti, kriterijumima i postupku za dodjelu priznanja jedinicama zaštite i spašavanja čl.128 stav (2).

(4) Šef Odjeljenja donosi:

- c) Pravilnik o poslovima, zadacima i načinu rada povjerenika civilne zaštite (član 46.);
- d) Pravilnik o sadržaju i načinu vođenja evidencije pripadnika jedinica civilne zaštite opšte namjene (član 122.);
- e) Pravilnik o nastavnim planovima i programima za osposobljavanje i obučavanje nosilaca civilne zaštite (član 57. stav (3)).

DIO TREĆI PRIJELAZNE I ZAVRŠNE ODREDBE

Član 133. (Primjena odredbi člana Zakona)

Odredbe člana 127. stav (2) i (3) Zakona primjenjuju se 18 mjeseci nakon usvajanja Zakona.

Član 134. (Stupanje na snagu)

Zakon stupa na snagu osmog dana od dana objavljivanja u "Službenom glasniku Brčko distrikta BiH".

Predsjednik Skupštine

O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama i dopunama Zakona o zaštiti od požara Brčko Distrikta BiH je član 22. Statuta Brčko Distrikta BiH - prečišćeni tekst („Službeni glasnik Brčko Distrikta BiH“, broj 2/10).

RAZLOZI ZA DONOŠENJE

Nepostojanje Zakonske regulative koja bi regulisala oblast zaštite i spašavanja u Brčko distriktu BiH javlja se kao objektivna smetnja uspješnijem organizovanju, funkcionisanju svih segmenata sistema zaštite i spašavanja, kao i institucionalizacije saradnje subjekata zaštite i spašavanja iz Brčko distrikta BiH, entiteta i susjednih država.

Zakon je precizno propisao sistem zaštite i spašavanja, kao i obaveze svih učesnika u sistemu zaštite i spašavanja.